

Wantok

20¢

Hia sampela man i luk wari na bel bilong ol i sut. Long wanem ol dispela hos ol i putim mani lon gen bai kamap pes long Melbourne Kap o nogat? Tupela man ya i flet aut long raitim aut olgeta kain samting long hap pepa na...Ating taim olgeta wok i pinis finga bilong tupela i mas indai yet ya. Dispela ol lain i sanap i stap insait long wanpela haus bet long 4 Mail, Boroko, long Tunde, 2 Novemba...Melbourne Kap de. — Stori pes 2.



INSAIT-

- 8 pes spot
- Yu Ting Wanem - pes 10
- Provins Nius - pes 4
- Rais I Sot - pes 3
- Pas - pes 6 na 13
- Laiplain - pes 16
- Tumbuna Stori - pes 18
- Meri pes - pes 8



1982 soka gren painal bilong Primia Divisen i bin pinis olsem na ol lain sapota bilong Guria i karim Kepten bilong Guria, Simon Emmanuel na ran wantaim. Dispela i soim amamas i kilim ol stret...we lewa i hangamap antap long ol tang bilong ol stret. Guria i bin autim Yuni 3—2 long dispela gren painal gem. — Stori spot spes.

Ol plawa bilong PNG i kamap stret wantaim bilas tru bilong tumbuna...Na i no gat tok. Dispela kain bilas tupela yangpela i putim i ken mekim man i ai raun wantaim, sapos yu raun long Lae So. Planti singsing grup bilong ol arapela provins insait long PNG i bin kamap long dispela so long las wik. Poto stori pes 20.



Planti manmeri i ting tim i gat bikpela pawa tru em Waliya bai i kisim bikpela namba tru long gren painal. Tasol nogat, long las minit Rapatona i putim gut olgeta bun bilong ol na i autim Waliya, 2—1 long gren painal bilong soka bilong ol meri. Straika stret bilong Rapatona Bospidik i amamas wantaim na kisim tropi na sil i kam long han bilong Presiden bilong Mosbi Soka Asosiesen, Mista Pius Kerepia. Ol lain Waliya i kisim tasol tropi long kamap namba tu na i sanap long rait han i stap.

Stadi wantaim COES
(Koles ov Ekstenel
Stadis) long Wantok
Niuspepa olgeta wik.
I gat 4-pela pes olgeta
insait long niuspepa



PALAMEN TOKTOK

I no longtaim na palamen bai sindaun gen na paitim toktok long planti kain samting. Bipo ol i go insait long rum kibung, ating i gutpela ol memba i ritim sampela lo i kam long wanpela liklik palamen. Ol i go olsem:

God i bin wokim yumi olsem: yumi gat tupela yau na wanpela maus tasol. Ating dispela i laik soim, yumi mas sindaun HARIM toktok planti taim. Na yumi mas WOKIM toktok liklik taim tasol.

Long taim bilong toktok, olgeta wan wan wot i gat spesel mining bilong en. Ol i no mauswara nating. Nogat.

Dispela 4-pela wok wantaim i win long olgeta arapela 4-pela: "Mi amamas long yu."

Tripela wantaim i win, em hia: "Yu ting wanem?"

Dispela tupela i win olgeta: "Mi tenkyu."

Na sapos yu mas yusim wanpela wot tasol, em hia: "Yu."

Na wot i daunbilo tru na yu no mas yusim planti taim, em dispela: "Mi."

Planti Manmeri Kisim Sik Bilong Melbon Kap

PLANTI manmeri insait long Papua Niugini i bin kisim wanpela sik nogut long Tunde, Novemba 2, 1982. Long dispela taim planti manmeri long Mosbi i go pulap tru long ol haus bet bilong hos resis insait long siti. Planti bilong ol i lusim tingting long wok na i go sanap arere long haus bet long 8 klok moning yet.

Long dispela de stret i gat wanpela bikipela resis bilong ol hos i kamap long Melbon, Australia. Ol i resis long kisim Melbon Kap. I gat 24 hos olgeta i stap insait long dispela resis.

Planti manmeri i bin karim bikipela mani tru i go long bet long ol dispela hos. Kain kain ka na ol manmeri i go pas pas tru long haus bet na ples i pulap tru. Planti bilong ol dispela manmeri i karim ol liklik redio na holim pasim klostu long yau bilong ol. Sampela



Ol man i bung long painim wok o? Tasol nogat dispela em Melbourne Kap de. Papa, mama, manmeri i wok. Pikinini, meri, mama i stap nating long haus i pasim tru dispela ples long Boroko. Ol i lukluk long niuspepa, toktok i go kam na ol lewa i sut nabaut. K2, K5, K10, i go moa yet i no Australia tasol bai amamasim dispela de. Nogat ya, nau hos resis i kamap pasin tumuna bilong PNG tu ya...husat save!!!

bilong ol i opim ai na lukluk strong long niuspepa na traim long makim ol hos ol i laik bet long en.

Resis bilong Melbon Kap i kamap long 1.40 pm long dispela de. Tasol ol i no wetim taim. Nogat ya. Planti manmeri i tromoi K5, K10, K20, K50 o moa long betim ol dispela hos i stap insait long Melbon Kap resis. Ol i stat betim mani long draipela moning yet. Maski hangre i kilim ol, ol i no wari. Ol i tingting long bikipela mani ol i lusim long haus bet.

Oloman! Ol meri tu i no isi isi. Ol i sanap nabaut klostu klostu long ples bilong bet. Planti bilong ol i no tingting long pikinini o man bilong ol. Ol tu i laik trai lak na winim mani. Dispela i no pilai bilong ol man tasol.

Sampela meri i bung long wanpela kona na makim nem bilong ol hos. Ol man tu i mekim wankain pasin. Planti bilong ol i wok long sanap bung na putim ai long bikipela blakbot i gat nem bilong hos i hangamap long en. Sampela manmeri i makim "Kingston Town," Just A Dash, Silver Bounty, Gurners Lane, My Sir Avon, Noble Com-

ment na ol arapela nem bilong ol hos i stap insait long dispela bikipela resis.

Sapos yu lukluk insait long niuspepa bilong Tunde, Novemba 2, yu ken lukim kain kain nem bilong ol dispela hos. Na tu, i gat planti arapela resis i kamap long Ranwik, Sidni na Igel Fam long Brisben. Tasol ol manmeri i no tingting tumas long ol arapela resis nabaut. Olgeta i putim ai long Melbon Kap tasol.

Orait. Long hap pas 1 long apinun stret, olgeta manmeri i klinim yau na putim i go klostu long redio. Long wanem Melbon Kap resis bai kamap liklik taim tasol bihain. Ol haus bet i gat bikipela laut-spika we ol toktok long redio i kamap bikipela tru long en.

Em nau! Long 1.40 pm stret, dispela resis bilong Melbon Kap i kamap. Toktok long redio long laut spika i kamap bikipela tru nau. Ol manmeri i kalap kalap na singaut nabaut. Kaman Kingston Town! Kaman Just a Dash! Sampela manmeri i kaikai tit na pasim ai. Sampela i singaut, paitim han na hariapim ol hos.

Man! Bai yu ting sik

nogut i kisim ol manmeri na ol i seksek nabaut. Resis tru i kamap long Australia na ol i wok long singaut na kalap kalap nating long hia! Kaman! Kaman! Resis i go het yet! Wanem hos bai win?

Ol hos i go yet! 200 mita moa.... 100 mita moa.... em nau.... klostu resis i pinis nau! Yesssss! Gurner's Lane i kamap namba wan, Kingston town, namba tu na Noble Comment i kam namba 3. Ol manmeri husat i betim ol dispela hos i go bung long kisim win

mani bilong ol nau. Na ol manmeri husat i lusim mani nating i tanim nus i go antap na wokabaut i go pinis.

Sampela manmeri i kisim bek K20, K50, K100 na moa. Ol i amamas na karim win mani bilong ol i go bek long haus o wok. Ating sampela man i go baim bia na amamas wantaim ol wanpinis long haus o yumi no save? Dispela liklik sik bilong Melbon Kap tasol i paulim planti wok manmeri insait long biktaun bilong PNG husat i gat haus bet.

Pipel I Sot Long Kaikai Na Wara

PLANTI bagarap i kamap nau long ol Provins insait long Papua Niugini. Long Wes Nu Briten, Noten, Morobe na Sentral Provins ren i no bin pundaun na ples i bagarap tru. Planti ol pipel i sot nau long kaikai. Tasol gavman i sot tru long mani long salim ol bikman long lukluk raun insait long Provins long hevi bilong ol pipel.

Sampela bilong ol

provins nau i laikim helpim em, Makam Eria insait long Morobe Provins nau i laikim helpim bilong Nesenel Gavman. Bikos sampela longlong man i bin wokim paia na paia i kukim haus bilong ol pipel. Olsem na planti nau i no gat haus long slip na ol i save go slip wantaim wantok.

Gavman i bin putim K1,700 tasol long lukluk long dispela kain hevi taim kamap long ol provins.



INVESTMENT CORPORATION OF PAPUA NEW GUINEA

SEA PRAIS NOVEMBA 1982 (Prais bilong sea wantaim fi mani)

50 sea	K 48.00
100 sea	K 96.00
150 sea	K144.00
200 sea	K192.00
250 sea	K240.00
300 sea	K288.00

Wok bilong salim na baim bek ol sea bilong dispela fan i bihainim tasol ol toktok i stap insait long Prospektus Prais bilong wan wan sea long Novemba em i K0.96. Husat i laik save long prais bilong baim bek ol sea i ken rait i kam na askim mipela.

Plis salim wanpela Prospektus buk bilong yupela i kam long me.

TO: INVESMEN KOPRESEN, P.O. BOX 155, POT MOSBI.

NEM
ADRES



WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N.G. P.O. Box 1982, Borko
Telepon : 252500 Teleks .NE 22213
Edvetaising - Ph :25 2304

LAE

Telepon - 42 2516

PE BILONG WANPELA YIA, 52 NIUSPEPA

Ples	Air	Surface
Port Moresby		K 13.52
Rest of PNG	K 26.00	K 26.00
Australia & Solomons Is	AS 65.70	AS 44.42
NZ & Pacific Island	US\$ 85.80	US\$50.00
America & Europe	US\$132.60	US\$66.30

TAMBU TORO



Rais Saplai I Sot

TRUKAI rais i sot nau long Lae na Mt Hagen. Long wanem i gat 1300 ton heve bilong Trukai rais na arapela rais olsem Sanlong i stap long sip yet long bikpela bris long Lae na long Huon Galp.

Pauline Laki

Tasol i no rais tasol. Ol arapela kaikai inap bagarap hariap em ol i wok long sting nabaut. Na ol wokman i save karim ol i go long haus, sampela ol tromoi long pipia. Long wanem i no gat wokman i save wok ovataim long bris long rausim ol kago long sip.

As bilong dispela hevi i wok long kamap long bikpela bris long Lae, Mosbi, Madang na Rabaul em ol wokman i save wok long ol bris long rausim ol kago long ol bikpela sip, i no moa wok long ovataim. Na long mun Oktoba ol i bin mekim bikpela stap wok we ol laikim moa pe na gupela sindaun. Ol i laikim 3.5% moa pe antap long pe nau ol i save kisim.

Dispela i stapim sampela sip long sua long Lae tasol ol i bin i go sua long narapela hap. Wapela long ol bikpela sip i bin karim

rais i kam long Australia. Na tupela wik i go pinis sip ya i no bin kamap long Lae. Na i gat 6 o 7 sip long wanpela de i wok long wet i stap long ol wokman i rausim ol kago. Tasol ol dispela sip i save wet planti de tru.

Operesen Menesa bilong Rais Industri long Lae, Mista Philip Walliker i tok long 3, Novemba olsem, "As bilong dispela hevi em ol wokman long bris i no save wok ovataim. "Ol i mekim dispela ovataim stap wok. I gat moa rais i stap long sip tasol mipela i no inap long mekim wanpela samting.

"Mipela bin kisim sampela long Mande, 1 Novemba, na i gat inap rais i stap long bikpela bak stua. Tasol i no long ol paket o karamap we planti pipel i save laik long baim. Mipela i no bin inap long salim rais i go long Lae na Mt Hagen olsem mipela i save mekim."

Olgeta de i save i gat planti ol bikpela trak i karim rais saplai i go long Mt Hagen na long Lae tu. Na long Mt Hagen nau ol pipel i no inap tumas long painim kaikai long gaden, ples i drai na ais i pundaun i givim moa hevi. Na nau ol i save baim rais tasol long kaikai.

Mista Walliker i tok, "Dispela hevi mi ting bai i pinis nau long pinis bilong dispela wik, sapos ol wok i orait. Na mi ting bai mipela i gat inap saplai bilong rais long Lae na Mt Hagen.

Na long Lae, namba tu menesa bilong Anderson Foodlan, Mista Jack Lanser, i tok, "Mipela i sot long 25 kilogram rais. Dispela i no gat tru, i gat 10,5 na 1 kilo tasol. Na ol i ken pinis hairap."

Pelgan na Anderson Foodland wantaim i gat inap rais. Anderson i gat 10,5 na 1 kilo inap narapela wik. Tasol sapos moa sip i stap long bris wantaim rais na i no go long rais industri em bai i ken kamapim moa hevi tru long Lae na bikpela hevi tru long Hailans rijin.

Na Mt Hagen em i wanpela ples i save saplai rais i go long Saten Hailans, Simbu, Enga na Westen Hailans provins. Em i gat 4-pela provins long lukautim na nau i gat inap rais long wanpela mun tasol.

Tokman long bikpela bak stua (Rais terminal) long Hagen i tok ol i nogat 25 kilogram bag rais. Em i tok, "Mi wet tasol i gat 70 ton hevi bag rais nau i wok long ran antap long trak long rot i kam olsem. Tasol sapos Lae

i painim hat tru long kisim rais i go long bris, em bai Hailans rijin bai i painim taim tru."

"Taim Burns Philp long Mt Hagen i bin putim oda bilong en i go long Rais Terminal long Hagne, ol i no bin kisim oda bilong ol. Ol i kisim tok tasol olsem ol i sot long rais na Trukai rais long 25 kilogram bag i no gat tru.

Tokman long Burns Philp Reuben Soten i tok, "Tupela wik i go pinis mipela i bin painimaut olsem bai mipela i sot long Trukai rais."

Na nau long dispela taim seketeri bilong Wata Sait Wokas na Simen Yunion, Mista Reg McAlister i tok, "Gavman i no mekim wanpela samting yet long dispela askim bilong ol yunion long 3.5% moa mani antap long pe bilong ol. "Taim Employers Federesen na Yunion i askim long dispela, Dipatmen bilong Fainens i bin stapim dispela askim. Na ovataim stap wok bai i stap olsem yet."

Tokman bilong Wokas Employas Federesen i tok, ol i kisim dispela toktok i go long Nesenel kot. Na long Fonde 4, o Fraide 5 Novemba, Nesenel kot, bai mekim las tingting bilong en.

Rooney In - Pokasui Aut



Nahau Rooney

OLPELA memba bilong Manus Open, Misis Nahau Rooney i bin winim bek sit bilong em long Nesenel Palamen.

Kot Ov Disputet Retens insait long Mosbi, i bin tokaut long 28 Oktoba olsem, Misis Rooney, i win bihain long Jastis Warwick Andrew, man husat i bin harim kot ya i bin askim ol long kaunim gen vot bilong Manus Open. Ol i bin kaunim vot long Lorengau, na long Mosbi long Mande 25 Oktoba.

Long 26 Jun taim ol i bin kaunim ol vot, Misis Rooney i bin lus na James Pokasui i bin winim dispela sit long wanpela vot. Em i bin kisim 1,541 na Nahau Rooney i kisim 1,540 vot. Ol i bin kaunim gen, bihain long namba wan kaun tru taim tupela wantaim i bin kisim K1,537. Orait long namba tu taim James Pokasui i win, taim em i kisim wanpela moa vot long Rooney.

Bihain long dispela tupela kaunim bilong vot long Mosbi, Misis Nahau Rooney i bin kisim 1,559 vot na James Pokasui i bin kisim 1,548 vot tasol. Em Rooney nau i gat 11-pela moa vot long Pokasui.

Long ol dispela ol 11-pela vot, bilong Rooney, jas i bin painimaut olsem, ol man bipo i bin kaunim vot i no bin kaunim ol. Bikos ol i ting, ol vot ya i bagarap. Kot i bin tokaut olsem Nahau Rooney i winim tru dispela ileksen bikos



James Pokasui

Nupela Edita Bilong Niugini

Nius

NIUGINI Nius' nau i gat nupela edita, Mista Sinclair Solomon. Em i bin namba-tu Edita bipo bilong niuspepa 'The Times of Papua New Guinea.'

Mista Solomon i gat 25 krismas na i bin wok olsem man bilong painim na raitim nius o ripota long taim em i bin pinisim skul bilong em long Australia, long 1975.

Em i bin kisim lip bilong en na malolo i stap long taim Word Publishing kampani i kisim Niugini Nius, tupela wik i go pinis. Tasol em i bin lusim malolo bilong en na i go long Lae long stat wok long Niugini Nius.

Mista Solomon i bilong Is Sepik Provins. Em i marit na i gat 2-pela pikinini. Em i bin wok wantaim Post Courier inap long 5-pela yia olgeta. Na bihain em i go wok wantaim Word Publishing, em kampani i

save prinim Wantok Niuspepa, The Times of Papua New Guinea, New Nation, Rugby League News na Moresby Message.

Mista Solomon i kisim ples long Niugini Nius olsem Edita long 1, Novemba long dispela de yet Niugini Nius kampani i senis. Niugini Nius na narapela niuspepa 'The Weekender' nau ol save prinim yet long Word Publishing i save prinim ol arapela niuspepa bilong en yet. Tasol hetopis i stap yet long Lae.

Mista Solomon i tok, "Mi amamas tru long dispela nupela wok. Na dispela wok i min olsem bai i gat planti hat wok tru ya. Tasol em i gupela sans tru long mekim kain wok we planti niusman i save driman long mekim, dispela em long bosim niuspepa bilong em yet."

Em i tok, "Niugini Nius i bin putim kamap gupela kain kain stori na ol arapela samting long pepa we planti pipel i save

amamas tru long ritim, long ol dispela 28 mun olgeta em i bin kamap olsem niuspepa. Tasol nau mi tingting long givim moa gupela niuspepa we ol pipel bai ino inap long lusim tingting long baim na ritim.

"Mipela bai i no inap long senisim niuspepa i go narakain olgeta long sotpela

taim tasol. Tasol long ol sampela mun bihain bai em i senis moa. Em i gupela pepa long ritim nau, tasol long 1983, em bai kamap gupela niuspepa tru long ritim.

Niugini Nius em i nesenel Niuspepa...tasol em bai go het yet na strong long karim ol provinsal nius...stori.



• Sinclair Solomon

Yunion Wokim Stapwok Miting

NARAPELA Yunion gen long Air Niugini i laik mekim stapwok. Dispela yunion em Ailine Ovasis Ofisels.

I gat 52 memba bilong dispela asosiesen o Yunion i stap long Air Niugini nau na ol i bin holim wanpela kibung bilong ol long Novemba 1. Na ol i pasim tok long stapwok long 2-pela aua long olgeta foitnait na holim ol miting bilong ol.

Dispela 2 aua stapwok em i bilong dispela asosiesen tasol. Stapwok ya i no olsem ol arapela stapwok bilong askim long moa pe na ol samting olsem. Nogat, yu ken kolim

olsem kibung taim bilong ol.

Mista Bob Wallace PRO bilong Air Niugini i tok, "Noken wari tumas long dispela miting. Long wanem, ol i askim tasol long painim sampela taim long holim ol kibung bilong ol. Mi no inap long toktok moa long dispela samting long wanem ol i gat mausman bilong ol yet, husat i save moa long ol wari bilong ol."

Tupela narapela asosiesen bilong Air Niugini i bin autim wari bilong ol pinis long dispela yia tasol. Ol dispela asosiesen ya em long Pailot Yunion na Nesenel Eakrap Enjinias.

Air Niugini i gat 7-pela Yunion na asosiesen nau, Pailot

em i gat planti moa vot long James Pokasui.

James Pokasui i gat 32 krismas bilong em na em i kepten bilong PNG Difens Fos bipo. Em i bilong Bowat viles, long Manus. Pokasui i bin tokaut bihain olsem, "Mi no gat toktok long mekim long jas. Bai mi bihainim tasol ol toktok bilong em."

Jas Andrew i tok, "Bihain long harim dispela wari pinis, mi bilip olsem ol Iektoral opisa tu i bin wok hat ru long kaunim gut ol vot. Ogenik Lo bilong Nesenel Ilekseen, i tok, sapos wanpela kandidat i gat planti vot tru long arapela kendidet, orait, em i mas winim ileksen. Olsem na Misis Nahau Rooney i win.

Na long seksen 21 bilong Ogenik Lo mipela nau i save olsem, James Pokasui i no bin memba tru bilong ol, long taim em i bin stap insait long Mosbi. Tasol nau mipela i save Misis Rooney, em i tru memba nau bilong Manus Open."

Is Sepik Haus Palamen I Win

ATING long olgeta provins bilong PNG i no gat wanpela haus palamen bilong wanpela provinsal gavman inap long winim dispela bilong Is Sepik.

Ol poto long dispela stori i soim olsem wanem dispela haus palamen na rum kibung i bilas nabaut long olgeta sait na banis na hap.

Sampela man bilong Sambri Lek i bin sapim bikpela sia bilong spika long wanpela draippela hap diwai garamut. Pater Kerubim Dambui, Premier bilong Is Sepik, em yet i bin statim wok bilong kavim dispela sia. Poto i ken soim bilas bilong em, long baksait tu bilong sia.

Longpela tebol bilong spika i gat tupela maus bilong pukpuk. Em i bilong diwai garamut na ol

Sambri i bin sapim. Tupela lida bilong dispela grup em Jon Pantu na Adam Manjin. Long fut bilong tebol i gat ol het bilong bikpela koki i stap.

Insait nabaut long olgeta banis bilong dispela bikrum i gat olkain piksa, em ol Sambri gen i bin pentim. Olgeta kona nabaut na nabaut long olgeta windo i gat piksa.

Wan wan memba bilong provinsal gavman i save kam kibung long dispela asembli bilong ol, ol wan wan i gat maikropon antap




long liklik tebol bilong em stret, wantaim sain i soim nem bilong em long spika. Klostu long tebol bilong spika i gat wanpela masin bilong bosim ol dispela maikropon.

Planti saveman bilong Sepik i amamas tru long pasin ol memba i bihainim long dispela haus palamen long taim ol i kibung. Pater Dambui yet i bin strong long ol i mas bihainim tru ol lo bilong miting. Ol i no ken bikmaus olsem ol memba bilong haus palamen long Mosbi. Ol i tambu long mekim tok nogut, o singaut strong na kros na tok pait..... Oltaim wan wan memba i mas sutim tok i go long spika. Spika hia em i John Kapas. Em i bilong Yuo Ailan, tasol nau em i stap long Boikin.


Seketeri bilong Provinsal Gavman i save helpim John, em i Sabella Yangur bilong Gumbi long Raikos, long Madang Provins.

Plak bilong Is Sepik Provins i bin kamap long wanpela resis em ol studen bilong Brandi Haikul i bin mekim long yia bilong independens, 1975.

Olgeta samting i stap long plak i gat spesel mining bilong en. Garamut na kundu i makim tupela rot bilong komyunikesen namel long pipel na gavman. Bikpela ring i makim kina na kramsel mani bilong ol tumbuna. Pukpuk i makim ol pipel bilong Wara Sepik na bikples. Sak i makim ol pipel bilong ol ailan. Skin kambang em i bilas bilong ples, na i makim pasin bilong amamas kaikai buai. Sil i stap namel long piksa, em i makim ol bikpela man bilong pait bilong ol tumbuna bipo.



Spika bilong Is Sepik Provinsal Gavman, John Kapas i amamas long sindaun long spesel tebol. Em ol Sepik yet i bin sapim long diwai garamut.



Insait bilong Provinsal Asembli rum bilong Is Sepik long Wewak. Sia bilong Spika i stap long raithan. Olgeta banis i bilas long piksa, em ol man bilong Sambri Lek i bin pentim.



Kona bilong tebol bilong Spika. Bihain yu ken lukim sil bilong Is Sepik Provins.

Wok Long Boistaun

LONG boistaun long Wewak tude i gat 27 yangpela boi i stap. Ol i no laik bai yumi kolim ol raskol. Tasol olgeta wan wan i bin kamap long kot long sampela rong ol i bin mekim. Ol krismas bilong ol i stat long 10 yia na i go inap long 16 yia. I nogut, kain yangpela boi olsem i stap long kalabus tru. Long wanem, bai ol kalabusman i skulim em long olkain pasin nogut, na em i no inap stretim bek laip bilong en.

Long Boistaun ol i gat dispela aidia: yes, wan wan boi i bin pundaun long wanpela rong. Tasol husat i ken save watpo? Em asua bilong husat?

Planti yangpela boi tumas i no gat papamama. Ol i raun nabaut na i stap wanpis..... na ol i hangre..... na ol i stil. Olsem, nogut yumi mekim save tumas long ol na panisim ol na strafim ol. Bai ol i belhat na bihain bai ol i go mekim moa nogut

yet. Mobeta yumi sindaun toktok na, skulim ol yangpela boi ya... bai ol yet i laik stap stret na gut.

Olsem na long Boistaun, ol boi i no save kalabus. Ol i no pas tasol insait long bikpela banis samting. Long san ol i save go nabaut wok long gaden. Long wiken oli save go lukim spot na go danis na go swim long nambis.

Ol boi yet i wokim ol lo bilong dispela taun bilong ol. Ol i gat mani bilong ol stret. Ol i gat kot bilong ol stret, na mejistret bilong ol stret

tu. Ol yet i votim ol. Boi i kalapim lo, o i ranawe, o i bikhet.... em i mas baim kot long dispela mani em i winim long wok bilong em. Olsem na em i skul stret.....

Dispela lain boi i stap nau, i kam long Mosbi na Hailans na nambis na long Wewak stret. Sapos ol i yangpela yet, ol i go long skul. Mista Joe Lipu bilong Wes Nu Briten em i tisa bilong bosim olgeta 6-pela gret long Boistaun praimer skul. Wanpela semina-rien, Mista John Lloyd

i bosim olgeta wok haikul.

Aidia bilong Boistaun em long stretim laip bilong ol yangpela boi ya. I ken. Olsem na ol bosman bilong boistaun i no save paitim ol boi na krungutim ol olsem rabis tru. Nogut. Pastaim ol nupela boi i no laik bung wok wantaim. Ol i bikhet. Tasol bihain ol i lukim na ol inap baim samting....orait, nau ol tu i laik mekim wankain.

Moa long 50 (pesen) bilong olgeta boi i winim Boistaun pinis, i sindaun gut nau long ples o long taun o long wok. Planti i holim gutpela bikpela wok nau.

Sampela yia bipo ol Boistaun ol i gat wanpela stringben i gat biknem, na ol i save

painim wok nabaut long ol danis bilong Wewak. Long taim bilong independens, Prins Charles i bin stap long Wewak na gavman i putim wanpela bikpela danis long Moem Bareks, bai Prins wantaim ol bikpela manmeri bilong Wewak i ken danis. Na wanem stringben i bin pilai long dispela danis? Em bilong Boistaun tasol. Long wanem, olgeta manmeri i save pinis, dispela strongben bilong Boistaun bai no ken spak. Bai ol i pilai gutpela musik na bihainim gutpela pasin.

Tasol, sore, nau i no gat stringben moa. Ol raskol bilong Wewak, ol i bin go insait long Boistaun yet na i bin stilim ol draim na gita samting.

Tok Lukaut Long 20 Yunion

NAU i gat 20 yunion insait long PNG husat i kisim singaut pinis i kam long opis bilong Indastiel Rejista long mekim nupela rejista long kampani o asosiesen bilong ol. Sapos ol i no mekim bai ol i lusim setifiket bilong rejistresen bilong ol.

Indastriel Rejista opis i toktok strong tru long ol dispela 20 asosiesen long wanem ol i no bihainim gut ol lo bilong Indastriel rejistresen opis.

Long Mosbi yet i gat 5-pela asosiesen olgeta husat i mas tok save long Indastriel Rejista, Maragret Ethas. Ol dispela yunion i mas tok save long wanem kain hevi ol i gat na ol i no salim ripot bilong asosiesen o yunion

bilong ol.

Ol dispela asosiesen em long, Nesenel Brotkasing Stav of PNG, PNG Developmen Beng, Ovasis Opisas Asosiesen, Pot Mosbi Kaunsil ov Tret Yunion na Stav Asosiesen ov Yunivesiti ov PNG.

Ol narapela asosiesen insait long ol provins nabaut em olsem. Rabaul Wokas Asosiesen, Galp Provins Wokas asosiesen, Manus Provins Wokas asosiesen, Milen Be Wokas Asosiesen, Morobe Provinsal Rural Wokas Yunion, Simbu Provins Wokas Asosiesen, Westen Provins Wokas Asosiesen, Wes Sepik Provins Wokas Yunion, Goroka Wokas Asosiesen, Kainantu Wokas Asosiesen, Ukurumpa Wokas

i go moa long pes 10

"Mani O Laip"

LONG taim bipo i kam inap long yia 1980, sapos yu Pantom, o supamen, yu ken wokabout long ol strit bilong Tokarara long Mosbi long nait.

Sapos yu kain manmeri olsem yu na mi, ating taim yumi stat wokabaut, bai yumi pilim sap bilong naip i sutim sait bilong bel bilong yumi. Na kirap nogut bai yu harim nek bilong wanpela yangpela manki i tok, "Laip o Mani."

Benny Bogg

Wok bilong ol plis long holim ol kain trabelman olsem, ol lain stilmanki na ol kain biket manki husat i save holim ol manmeri long nait i save lus nating. Long nait bai ol strit bilong Tokarara i pulap long ol kain manki olsem. Pait na dring na ol arapela birua olsem i no save isi long Tokarara.

Long 1976, Pater Adrien Meaney i kam sindaun long Tokarara paris na long dispela taim em i statim wanpela liklik yut grup. I no bin i gat planti manki. Em i kolim Yang Kristian Wokas Asosiesen (YCWA). Tasol YCWA i no bin ran gut tumas long Tokarara long dispela yia inap long 1979. Planti pasin nogut i save kamap long ol strit na ol yangpela manmeri i wok long bikhet yet.

Pater Adrien Meaney i bin lusim pinis Tokarara paris na narapela Pater i kam. Nupela Pater em Jim Raymond i bilong lain ol i kolim MSC. Na taim em i kam, em wantaim brata Paul Ninkama bilong Katolik Sios i statim gen dispela yut grup long yia 1980. Long dispela yia tasol Martin Aini i kam joinim grup na helpim long putim sampela gutpela aidia bilong em long we bilong lukautim ol yangpela manmeri insait long dispela yut grup.

Long Oktoba 13 1980 Martin na ol arapela bikman bilong yut grup long Tokarara, "John Bosko Yut Grup i holim namba wan bikpela miting bilong ol. Ol i kolim John Bosko Yut Grup long wanem, Santu John Bosko i save mekim wok bilong lukautim ol yangpela manmeri bipo. Na ol lain ya long Tokarara i laik bihainim kain wok em i save mekim.

Long yia 1982, Martin Aini i tok, "Mi pilim olsem wok bilong mi long lukautim ol yut i ran gut. Na mi amamas long lukim olsem planti pasin nogut bilong ol yangpela manmeri long strit bilong Tokarara i pinis. Nau yu ken wokabaut long strit bilong Tokarara na pilim olsem nogat birua bai kamap long yu. Tasol nogat man o meri i save long wanem rot tru na ol

pasin nogut i stap. Sapos ol i tingting gut bai ol i ken save em i laik bilong God long helpim ol dispela yangpela manmeri. Na long laik bilong em, em i salim ol man i kam helpim ol yut."

Long yia 1980, taim Martin Aini i kam joinim dispela yut grup planti rabis pasin bilong paitim na holim ol man long strit na stilim mani i stap strong yet.

Wanpela nait Martin i raun long strit na wanpela grup bilong ol yangpela manki em Joe Kora i lida long en i lukim em na i laik stilim man bilong em. Martin i wokabaut isi i kam long ples slip bilong em long haus bilong pater Jim Raymond, na long kona klostu long haus, em i harim ol man i kam bihain long em. Taim em i tanim, em i no lukim ol man ya. Ol i hait.

Liklik taim bihain na Martin i pilim wanpela sap samting i sutim sait bilong em. Na em i harim wanpela nek i tok, "Laip o mani." Taim Martin i tanim, em i lukim Joe Kora i putim wanpela skru draiva long sait bilong em. Em i save long Joe, bikos long wanpela taim Joe i bin kam wantaim ol yut na toktok wantaim Martin.

Martin i tokim long Joe, "Rausim dispela skru draiva long sait bilong em, nogut m kism na skruim yu long en."

Joe Kora i lukluk long Martin na em i luksave long em. Joe i tokim Martin olsem em i pilim hangre na olsem em i painim mani long baim kaikai bilong em na ol lain manki husat i bihainim em long raun long nait.

Martin i tokim em olsem em tu i hangre tasol sapos ol i go slip bai tumora ol i ken painim kaikai.

Nau, Joe Kora i wanpela strongpela memba bilong St John's Tokarara Yut Grup na em tu i mekim wok bilong helpim ol manki husat i laik mekim ol rabis pasin long strit. Pater Jim Raymond i painim wok bilong Joe nau na em i save kism liklik mani long baim kaikai bilong em long taim em i hangre.

Saint John's Tokarara yut Grup i gat klostu olsem 50 yangpela manmeri. Na planti taim ol i save pilai ol spot olsem volibal soka na basketbal. Sapos ol i no pilai spot bai ol i wokim ol liklik wok bilong klinim paris na haus lotu bilong ol. Ol i save skul tu long Baibel na mekim wok Kristen tu.

Sampela taim long nait ol i save lukim muvi piksa o putim wanpela dens nait. Na long dispela rot ol yut i save kism liklik mani bilong helpim ol.

Planti bilong ol yut long Saint John's Yut Grup i save go skul long Gordons Haiskul na planti bilong ol tu i save wok long San



Ol nupela hetman bilong Katolik Yut Grup long Tokarara. (L-R) Tresera, Martin Aini, namba tu presiden, Daniel Polan, Presiden, John Olmi (sanap), seketeri, Maryanne Apini, namba tu tresera, Joe Kora.

Miguel kampani. Ol lain lida bilong dispela yut grup i bin toktok wantaim bos bilong San Miguel long kism ol manki ya na painim wok bilong ol.

Olgeta taim bihain long wok bilong em long Invesmen Kopresen, Martin i save go bek long haus bilong em long Tokarara na bungim ol lain manki ya na toktok wantaim ol inap taim ol i laik go slip.

Dispela Saint John's Yut Grup i wok long go het strong na Martin i tok, "Em bai kamap wanpela bikpela grup i no long taim, na mi amamas long wok wantaim dispela grup. Planti taim mi pilim olsem mi no inap long mekim gut wok bilong mi. Planti taim mi pilim olsem mi laik kra

long wanem ol yut i no save harim tok bilong mi na mekim nabaut pasin nogut. Na mi pilim olsem wok bilong mi long helpim ol i lus nating.

"Tasol mi save sakim ol kain tingting olsem i go long sait na traime gen. Mi save mekim ol wok bilong mi wankain long wanpela poem em mi lainim long skul bipo. Poem i stap long tok

Inglis tasol long Tok Pisin, em bai go olsem. "No ken wokabaut i go pas long mi, nogut bai mi no bihainim yu. No ken kam bihain long mj, nogut mi go pas long yu. Wokabaut arere long mi na bai mitupela i kamap pren."

Martin Aini wantaim Pater Jim Raymonds i stap yet long Tokarara na i mekim yet wok long helpim ol yut.

Nupela Minista Bilong Wes Nu Briten

WES Nu Briten Provinsal Gavman i makim pinis wanpela nupela memba long senisim ples bilong Alois Lilihura, olsem minista bilong Komyuniti Sevis. Nupela man ya em, Joe Lehan, memba bilong Basis Manua.

Joe Lehan yet i bin tok orait pinis long bosim dispela wok taim Wes Nu Briten Provinsal Gavman i bin raitim wanpela pas i go long em long Novemba 1.

Tasol em i no minista yet bikos long lo bilong Provinsal Gavman bilong ol i tok, long taim bilong kism wok minista ol memba i mas wet long 14 de olgeta na bihain bai em i ken kism wok minista tru. Olsem na long nau, ol i makim em, tasol

long 15 Novemba bai em i go sindaun tru long opis olsem Minista bilong Komyuniti. Na tu long dispela taim bai em i kamap minista bilong komyuniti sevis pinis em i ken stap olsem wanpela minista long Provinsal Asembli Miting bilong Wes Nu Briten. Bai ol i sindaun long en long namba wan wik bilong mun Desemba.


Primia bilong Wes Nu Briten, Bernard Vogae, i bin rausim olpela minista, Alois Lilihura, long wok bilong em long 18 Oktoba bihain long Lilihura i kism ol memba bilong Mosa Welpam Asosiesen i kam daun long Mosbi. Primia Vogae i tok, Lilihura i no tok save long provinsal gavman na em i kam raun long Mosbi.

KOPI PRAIS

Gret
Y - K1.66 inap K1.75
X - K1.74 inap K1.82
A - K1.80 inap K1.55

Robusta - K1.52 - K1.55
Kainantu - K1.01 -
Goroka - K1.05 -
Kundiawa - K1.00 -

K1.10
Minj/Banz - K1.00 -
K1.05
Maun Hagen - K1.10 -
K1.14
Wapenamanda -
Lae - Arabic - 90t
Robusta - 70t
Wewak Robusta - 85t
Madang Robusta - 70t
Robusta - 80t



FOR FRESHNESS AND QUALITY... PARADISE BISCUITS

ALSO THE MAKERS OF FINE Sunfield Bread, Pies, Pastries and Donuts

PARADISE BAKERY GROUP

PORT MORESBY
Kumai St., Hohola
P.O. Box 1624, Boroko
ph. 25 8124

LAE
Butubum Rd., Taraka
P.O. Box 2173, Lae
ph. 45 7177

IRABAU
Vulcan St., Rabaul
P.O. Box 257, Rabaul
ph. 92 1957

HEB 1785

OL PLIS I PRET

Dia Edita - Mi bilong ples Marangis insait long Madang Provins tasol mi bin raun i go long Wewak taun long wanem mi no bin lukim dispela taun bipo. Mi bin i go raun wantaim wantok bilong mi.

Yes, long wanpela nait ol stilman i brukim wanpela stua long taun long ai bilong mi stret. Na long dispela taim yet, ol plisman i kam na wantok bilong mi i stapim ol tasol ol i no stap. Ol i spit tasol i go. Na taim ol stilman i kisim olgeta samting i go aut pinis ol plisman i

kam bek. Tasol tulet, ol i kisim olgeta samting na ranawe i go pinis.

Dispela taim mi lukim stret wok bilong ol plisman. Ol i save spak wantaim na raun long ka. Na ol i no save was o wokim gut wok bilong ol long nait. Na long san ol bai smat gut tru na raun raun long ka i stap. Olsem na ol raskol i save winim ol long nait na brukim ol stua. Ol i save olsem ol plisman i save spak long nait na em i gutpela taim bilong brukim stua na kisim mani. Olsem tasol na ol i save go het yet long bikhet. Mi lusim stret dispela rekenenta long ai bilong mi stret. Nogat man o meri i tokim mi. Nogat tru. Olsem tasol na mi bilip olsem ol plisman bilong Wewak taun i no fit long ol stilman. Ating ol i save mekim wantok sistem na larim ol stilman i wokim ol bikhet pasin o olsem wanem? Tasol lo bilong Papua Niugini i no tok olsem. Yumi kisim o mekim ol lo long stretim ol sindaun bilong yumi.

Tomas Robin,
Marangis viels,
Bogia.



WEWAK TAUN I BAGARAP

Dia Edita - Long sampela yia i go pinis Wewak em wanpela gutpela taun tru. Nogat trabel na raskol pasin i save kamap. Tasol stat long 1981 i kam inap nau 1982, Wewak taun i pulap tru long ol raskol na stilman. Moa, moa yet.

Plantu bilong ol i save brukim ol bikpela opis bilong gavman, stua bilong ol Saina, kopi mil faktori na kakao mil faktori na stilim ol mani. Na tu ol pipel i stap insait long Wewak taun i save pret tru long wokabaut long nait long i go lukim ol wantok. Olsem na ol lida na provinsal gavman bilong Is

Sepik i mas mekim strongpela lo long pasim ol kain raskol na bikhet pasin long Wewak taun.

Mi laik askim ol pipel bilong Is Sepik Provins. Praim Minista na Jastis Minista bilong yumi i bilong wanem hap tru? Sapos tupela i bilong Is Sepik stret bai ol pipel i tingting na sem. Na yupela ol yangpela man i no ken mekim kain raskol pasin moa. Nau Wewak taun i bagarap tru. Em i kamap naba tu long biktaun bilong yumi Mosbi.

Yumi ol pipel bilong Is Sepik i ting olsem wanem. Dispela em gutpela nem bilong

NADZAB PLES BALUS LONG WE

Dia Edita - Mi laik sapatim Jim Tali. Na mi laik mekim ol dispela toktok long maus bilong ol pipel bilong Morobe.

Mi toktok egensim tupela memba bilong yumi Mista Tom Awasa na Mista Mathew Bendum. Na tu Morobe provinsal gavman. Yupela i no ken wokim samting long tingting bilong yupela yet. Watpo yupela i no laik askim mipela ol Morobe grasrut pipel long aidia o tingting bilong mipela pastaim na bihain putim ples balus i go bek long Nadzab.

Wanpela askim bilong mi i go long Morobe Provinsal gavman na tu long ol minista bilong yumi ol Morobe pipel.

Inap yupela toktok wantaim pastaim na muvim Angau haus sik i go long Igam Barek na muvim Igam Barek nau i mas muvi go long Nadzab.

Bikos mi harim olsem ol ami lain i kisim pinis Nadzab ples balus. Mi ting i gutpela long muvim Angau haus sik tasol i no gutpela long muvim Lae ples balus i go longwe long siti.

Mi tok egensim dispela tingting bilong ol minista na memba bilong provinsal gavman. Bikos mi yet i lukim long ai bilong mi taim mi stap long Mosbi na i go pilai long 1977, soka sempionsip long Lae. Mi bin i go wet i stap long Nadzab long 5 klok long apinun i go inap long 3 klok long moningtaim tru. Na balus i go daun long ples balus, na mi go bek long Mosbi.

Na long 1978, mi go bek long lip bilong mi. Taim mi go daun long Nadzab long 3 klok long apinun, mi ring long ka na mi wet inap long 6 klok. Na long dispela taim wanpela

ka bilong Dipatmen bilong Bosim ol Bikbus i kam long Lae na mi kalap long en. Dispela taim i hat tru long painim ol wantok long nait long slip.

Long wankain pasin olsem, mi bin kisim PMV na go long Nadzab tasol balus i lusim mi na mi mas go bek gen long Lae. Man, mi spendim bikpela mani tru. K6.00 olgeta. Mi yangpela man na i orait long mi. Tasol tingim ol lapun manmeri.

Mipela ol Morobe pipel i amamas tru long senis long ples balus bilong Nadzab.

S.T.Kisi Ngel,
Lae, Morobe Provins.

DES 7 LONG BULOLO

Dia Edita - Long Wantok Niuspepa namba 433, 4 September, mi lukim Air Niugini balus bai pundaun long Mendi na Simbu long Desember. Na mi amamas tru long dispela. Tasol olsem wanem long Bulolo.

Mi bilong liklik ples Lagish long hap bilong Mumeng Sab Distrik. Tasol nau mi kam stap wantaim liklik papa bilong mi long Wewak taun. Ating ol pipel bilong dispela hap long Mumeng, Bulolo na Wau bai i sapatim mi long dispela tingting bilong mi long balus bilong Air Niugini i mas pundaun long

Bulolo. Long wanem Bulolo i stap long namel stret bilong dispela tupela ples. Na tu em bai isi long kisim balus klostu na i no hat wok long kam daun long Lae. Long wanem, Bulolo taun i gat planti ol manmeri bilong olgeta provins i stap insait long en. Na dispela bai i mekim isi long ol i ken kisim tiket stret long Bulolo na i go malolo long ples bilong ol.

Olsem na dispela liklik hap wari bilong mi i go long Minista bilong Transpot na Balus na tu, memba bilong ol Bulolo pipel, Mista Mathew Bendumb. Em i mas lukluk long dispela na kirapim liklik ples balus long Bulolo i go bikpela liklik.

Mipela ol pipel i amamas long Praim Minista, givim i go dispela poisen i go long yu, olsem Transpot Minista. Olsem na mi laik tok yu bilong mipela na mipela i bilong yu.

Guzu Joe Jackson,
Makam Poin,
Wewak, ESP.

OL MARAMUNI LAIKIM ROT

Dia Edita - I gat wanpela ples ol i kolim Maramuni. Dispela ples i stap namel long Wabag na Is Sepik Provins.

Bipo tru long yia 1949 tupela pater i kam long ples bilong mi. Nem bilong tupela pater ya em Pater Pita bilong Katolik Sios na Pater Masa Waken bilong Lutren Sios. Tupela i bin i kam long Maramuni na kirapim wanpela liklik ples balus na wanpela haus lotu. Na nau nogat wanpela gutpela developmen i kam insait long Maramuni. Mipela slip long bus yet.

Ol memba bilong Enga Provins husat mipela i bin givim vot long ol na Enga Provinsal Gavman i no helpim mipela liklik. Long namba wan jeneral ileksen bilong Haus ov Asembli long 1962, ol papamama bilong mi i givim vot long Sir Tei Abal. Dispela taim mama i no karim mi yet. Na long 1977 mi givim vot bilong mi go long Sir Tei Abal. Em pes taim tru mi givim vot long Abal. Tasol mi askim papamama bilong mi long wanem taim tupela vot long Abal na

ol i tok, bipo tru long yia 1962 i go inap 1977.

Oloman, hamas yia i go pinis. Ol memba bilong Wabag na Enga Provinsal Gavman i no tingting long ol pipel bilong Maramuni na bringim gutpela developmen i kam insait. Nogat. Planti bilong ol i save kam komplek na grisim ol pipel olsem sapos yupela votim mipela, bai mipela pait hat tru na nesenel gavman bai bringim samting i kam long Maramuni. Na westap? Nogat stret. Ol i tingting long ol yet.

Nau mipela askim ol memba bilong mipela na provinsal gavman bilong mipela long toktok strong long gavman bilong Papua Niugini long wokim

wanpela rot stat long Wabag na i kam kamap long mipela. O nogat, orait, long mipela na i go kamap long Sepik. Long wanem mipela i stap long bus yet. Wanpela rot tasol mipela i save i go i kam long en em long balus. Tasol balus i no save pundaun tumas long ples balus bilong mipela. Wan wan taim tasol. Mipela save wokabaut i go olsem long Wabag na kisim ka o bihainim Sepik wara i kam daun long bet o kanu.

Em tasol liklik wari bilong mi. Mi rait long maus bilong ol pipel bilong mi long Maramuni.

Kino Pyoel,
Maramuni.

MASKI KROS NATING

Dia Edita - Mi laik toktok long pas bilong Sureo Momove i bin kamap long Wantok Niuspepa, namba 428. Em i no bin laikim wanpela program bilong Redio Not Solomon, Maus bilong San Kamap.

Yes Sureo, sapos yu

no laikim dispela program, mobeta yu i tanim redio bilong yu i go long redio stesin bilong yu, Redio Kainantu. Sapos yu wanpela man bilong Not Solomons yet bai mi ken amamas long yu taim yu kamapim dispela tingting bilong yu. Tasol yu bilong Kainantu stret na mi no laikim kain toktok bilong yu.

Dispela em i redio Not Solomons na i no Redio bilong sampela hap insait long Kainantu. Traim na autim wari bilong yu i go long redio stesin bilong yu yet na no ken rabisim redio stesin bilong mipela. Em i samting bilong manmeri bilong Not Solomons long toktok long en na maski long yu Sureo.

Enoch Cosmo,
Melelup Viles,
Tinputz, NSP.

Dia Edita - Mi wanpela man bilong pilai soka na mi tim kepten. Mi save go long ol soka miting na ol bikman bilong soka asosiesen long Mosbi i save toktok long Inglis tasol.

Dispela kain pasin i no stret. Sampela bilong mipela i no kisim bikpela save olsem ol na bai mipela save long Inglis. Na mi yet mi no save long wanem samting ol save toktok long en.

Olsem na mi laik askim yupela olsem inap yupela toktok long Tok Pisin bai mipela olgeta man bai save. Sapos yumi bilong Papua Niugini, yumi olgeta i ken Tok Pisin. Yumi i no bilong Australia o Amerika bai yumi longlong long Tok Pisin. Yumi bilong dispela kantri stret. Olsem na traim na toktok long Tok Pisin.

Wanton Buluk,
Noman Viles,
Morobe.

BIABIA





Halowin De

Fraide 29 em Halowin De. Na long ol kantri olsem Amerika, ol pikinini i save putim ol bilas bilong tewel na sanguma na raun, askim ol pipel long givim presen long ol. Ol pikinini bilong Korobosea Intenesel skul long Mosbi i bin dresap olsem long skul bilong ol.

Ripot Bilong Dispela Wik

TRINDE NOVEMBA 3 — Wanpela haikul tisa bilong Maun Hagen Mista Brian Petersen i wetim kot bilong em, bihain long ol plis bilong Mosbi i holim em na kisim em i go long Maun Hagen. Sas bilong em long kot, em long slip wantaim ol sumatin man. Petersen i bin tis bipo long Keravat Nesanel Hai skul na tu long Boisen Hai Skul, long Is Nu Briten.

FONDE 28 OKTOBA — Mista Thomas Negints, Memba bilong Tambul-Nelilyer i no amamas tru long tingting bilong wanpela misineri long Tambul i tok egensim ol skulmanki i putim bilas bilong tumbuna i go long skul.

FRAIDAE 29 OKTOBA — Mista Wagih Mohamed Roushdy, nupela ambasada bilong Isip i givim wanpela pepa i soim ol kain wok em bai mekim long PNG, i go long Gavana Jeneral, Sir Tore Lokoloko.

FRAIDE 29 OKTOBA — Mista Matiabe Yuwi, olupela memba bilong Tari i sapatim tingting bilong rausim fri edukesen long ol komyuniti skul. Em i tok olsem, I nogat bikpela hevi i stap long ol komyuniti skul na olsem, ol papa mama i ken painim mani long salim pikinini bilong ol i go long skul.

MANDE 1 NOVEMBA — Papua Niugini i lusim pinis wanpela save dokta bilong wok bilong X-ray. Dispela dokta em Mista Kirikanaanage Mahendapala Chandrasena De Silva, na em i bilong Sri Lanka. Kontrak bilong em i pinis long Oktoba 31 1982.

TUNDE 2 NOVEMBA — Planti ol kaikai samting bilong ol stua long Lae bris i save sting o bagarap na ol wokman i save tromoi long ples pipia bilong Lae. Sampela ol wokman bilong bris yet o ol narapela wokman klostu, i save kisim i go long haus bilong ol. Ol wokman long bris i stap yet long stapwok.

TRINDE 3 NOVEMBA — Air Niugini balus bai mekim namba wan plai bilong em i go long Nu Silan long Novemba 4. Planti ol niusman na ol arapela bikman bilong gavman bai raun long dispela balus. Balus bai kam bek gen long PNG bihain long samting olsem wanpela wik.

FONDE 28 OKTOBA — Mista John Giheno, Memba bilong Henganofi, Isten Hailans na Minista bilong Plis, i tok olsem, em ting gavman bilong PNG mas yusim DC3 balus long kisim ol kaikai bilong maket long ol hap bilong Hailans na bringim i go long ol maket long Mosbi na ol hap olsem. Em i tok ol maket long Mosbi i sot long gaden kaikai, na sapos ol pipel i no inap long planim kaikai, yumi mas traim long helpim ol.

FRAIDE 29 OKTOBA — Misis Jean Kekedo, wanpela Ombudsmen Komisina, i tokaut long ol meri bilong PNG long noken tingting tumas long toktok bilong ol man bilong ovasis kantri, long wanem samting ol mas mekim long sindaun gut. Em i tok, "Yumi gat ol gutpela meri husat i tren gut long tokim yumi long wanem samting i gutpela, o nogut."

TUNDE 2 NOVEMBA — Gurners Lane, wanpela smatpela hos i save ran long ol resis i win long Melbon Kap. Planti manmeri na ol niuspepa tu i no ting olsem Gurners Lane bai win. Planti manmeri i putim mani bilong ol long Kingston Taun. Kingston i kamap namba tu long dispela resis.

What's the Biggest Selling Biscuit in PNG?



Wopa — from Morobeen Biscuits

That's right — Wopa biscuits are the biggest selling biscuits in PNG because they taste great every time.

Fast selling biscuits are fresher because they get from our factory to your home quicker.

And fresh biscuits are the best biscuits

If you're not a Wopa biscuit eater then change today — you'll never regret it.

Made more often, bought more often. PNG's Biggest Selling Biscuit. Morobeen Biscuits — Wopa and Lik Lik Wopa.

Morobeen
BISCUITS

Tupela Felosip Grup I Pren

LONG Sarere Oktoba 30, olgeta meri bilong Hohola Wimens Felosip i bin bungim ol Kivoripoe Wimens Felosip grup bilong Waima na ol i lotu na amamas wantaim.

Dispela de i bin wanpela bikpela de tru bilong ol meri bilong tupela wimens felosip grup wantaim. Bung ya i bin kamap insait long Hohola Yunaitet Sios long Mosbi. Ol meri bilong Hohola i win singautim ol meri bilong Waima i kam, bikos ol i laik bekim raun bilong ol i go long Waima long 1980.

Namba tu siameri bilong Hohola Wimens Felosip, Fotuna Ivali i tok, "Dispela raun bilong mipela, i no bin raun bilong amamas

tasol, nogat. Em i gat wanpela bikpela as tru. Mipela bin go daun long sindaun wantaim ol, bikos ol i gat bikpela hevi tru na ol i laikim helpim bilong mipela. Taim mipela i go daun long Waima, ol i tokim mipela olsem, ol i sot tru long mani long kirapim wanpela nupela haus lotu bilong ol. Olsem na ol i askim sapos wimens felosip bilong mipela i ken givim ol sampela mani. Long wanem ol tu i laikim olsem, ol i mas gat nem insait long dispela nupela sios taim ol i kirapim. Olsem na Hohola Wimens Felosip i bin helpim ol long K100.

"Mipela i laik kam bek long Mosbi na ol i kilim wanpela pik, givim kokonas, wantaim planti kaikai tru

na mipela i karim i kam bek. Pik ya mipela i bin katim liklik na tilim i go inapim olgeta felosip meri bilong Hohola. Olsem na nau, mipela singautim ol i kam long bekim dinau, i go long ol."

Bung namel long tupela wimens grup i wanpela gutpela de tru bilong ol meri. Ol Kivoripoe meri yet i bin karim kokonas wantaim buai i kam. Eki Roai, pasto husat i bin kam wantiam ol meri ya i tok, "Mipela i kirap nogut tru, long singaut bilong ol meri long mipela, olsem na planti meri bilong mipela i no kam. Na tu mipela i no karim planti kaikai samting tu, tasol i orait, wanem samting felosip meri i givim mipela bai gat bekim long taim bi-



Pasto bilong Hohola Yunaitet Sios, Ela Hova wantaim Pasta bilong Kivoripoe Yunaitet Sios, Eki Roai, na Marita Willy na Janet Traves i hatim stret long singsing na danis taim ol i singim ol profet singsing.

hain. Tasol, mi yet nau mi lukim olsem, kain bung bilong ol meri yet i save kamapim strongpela bilip tru namel long ol yet na mi amamas tru olgeta."

Ol meri bilong Kivoripoe, bipo tu i askim ol long sampela mani bilong kirapim haus lotu long ples. Na long dispela ol i kam, Hohola Wimens Felosip yet i givim planti

samting tru i go long ol meri bilong Kivoripoe. Kain samting olsem klos laplap, tupela liklik rais beg, 5-pela bikpela rais beg, 8-pela beg plaua, 4-pela pasel suga, wan katen drai bisket na planti moa ol arapela kaikai. Na long dispela taim, ol i givim samting olsem K300 olgeta i go long han bilong ol Kivoripoe meri.

Ol i brukim na givim K50 bilong Pasto bilong Kivoripoe, K90 ol i baim pik bipo ol meri bilong Kivoripoe

i bin givim na arapela K160 i bilong helpim wimens felosip wok bilong ol.

Erau Ume, Seketeri bilong Kiviripo Wimens Felosip i bin givim draipela tok tenku na amamas stret i go long Hohola Wimens Felosip. Em i tok, "Mipela yet i no gat mani long givim yupela taim yupela raun i kam sindaun wantiam mipela o kain olsem. Tasol mipela helpim yupela, long kaikai, abus bilong bus, pis bilong solwara o

wanem kain kain samting bilong ples bai mipela i ken helpim yupela. Olsem na mi bilip olsem long kain bung bilong mipela ol meri wantaim bai mipela yet i ken helpim long stretim wari bilong mipela yet. Long hevi bilong mani o kaikai o wanem samting, sapos mipela i gat strongpela bilip namel long yumi yet."

Ol meri i bin kaikai, singsing na danis bihain long dispela bung bilong ol.

Meri Sapim Plang Stori



Bruka Mambiba....em wanpela meri bilong ples Kambot long Wara Sepik, i save sapim ol stori plang.

Poto i soim meri BRUKA NAM-BIBA bilong ples Kambot long Sepik.

Bruka em i wanpela

meri tasol namel long olgeta man i save wok long sapim o kavim ol stori bot o plang stori. Man bilong em, Kristian Arami, em i

sapman na em i bin skulim meri long helpim em long wok. Bruka i save katim ol nupela lain long hap kil diwai i mas kamap stori

bot. Man i save makim ol lain long pensil na meri i bihainim ol lain na i katim ol mak nating bilong man o kanu o tri o haus samting. Bihain Kristian i wok long sapim ol liklik samting olsem nus na ai na maus, na ol lip bilong tri o morota bilong haus o pukpuk wara o pul bilong kanu.

Bruka i gat 9-pela pikinini. Wanpela nau i plis opisa long Hagen. Narapela i tisa long Brandi Haikul long Wewak. Bruka yet i bin lusim wok gaden na wok saksak na i helpim man bilong em long wok kaving bai em i ken winim ol skul fi na mani bilong baim kaikai long Angoram taun. Bruka i bin skul inap sampela yia long skul bilong Katolik Misin long Kambot, taim em i yangpela meri yet.

SINGER



PREN BILONG YU INAP OLTAIM

Winim K50

Wantok Namba Resis No. 3

Makim 6-pela Namba

28	19	7	22	11
18	5	25	2	21
4	14	30	9	26
13	20	17	29	8
10	1	24	6	15
16	27	3	12	23

Putim X antap long ol 6-pela namba yu laik makim.

Nem _____

P.O. Box _____

Taun _____

Kolim nem bilong tupela taun insait long Madang Provins.

Insait long pasel mipela makim pinis 6-pela namba. Traim painim sapos yu makim stret dispela 6-pela namba bai yu winim K50. Sapos no gat man i makim stret orait man i kam klostu tru bai winim K10.

Taitim bun, sekim kru, kliaim ai na makim namba.

Salim i kam long Wantok Namba Resis Box 1982 Boroko.

Madang Kaunsil Pasim Maket Long Mande

B I K P E L A maket long Madang taun stret bai no ken op moa long ol Mande. Long dispela de long olgeta wik bai ol wokman bilong taun kaunsil i klinim maket.

Dispela toktok i kam long namba tu taun klet bilong Madang taun kaunsil, Mista Ephraim Wartovo. Em i tok tu olsem, long taim bihain bai ol owkman bilong kaunsil long taun bai mekim ol wok bilong klinim

maket long Sande tu.

Madang taun kaunsil i bin pasim tok long stat bilong mun Oktoba yet, tasol long 11 Oktoba ol i bin stapim ol manmeri bilong kam long maket na salim ol samting. Mande 25 de bilong Oktoba em i namba tri taim bilong maket i stap long Mande. Na long dispela tripela Mande, ol wokman bilong taun kaunsil i kilinim maket ples na redi long opim maket long Tunde i go inap long Sarere.

Namba tu taun kuskus, Mista Wartovo i tok olsem, long planti taim bipo, ol wokman bilong taun kaunsil i traिम long klinim maket long Sande. Tasol planti man i no laikim dispela tingting. Long wanem ol i tok Sande dem i de bilong Bikman na yumi i no mas klinim ples o mekim ol wok mani.

"Dispela tingting bilong ol i stret long ai bilong taun kaunsil na ol i senisim de bilong klinim maket i go long Mande. Tasol ating long taim bihain bai ol wokman i mas wok long Sande tu. Dispela tingting i wok long kamap strong yet."

I gat tupela bikipela as tingting bilong wanem na Madang taun kaunsil i stapim ol manmeri bilong salim kaikai i kam long maket long taun. Namb wan tingting em long givim de long ol wokman bilong taun kaunsil long klinim maket na ol narapela pablik ples long taun stret. Na narapela tingting em i kam stret long ol viles kaunsila long ol viles klostu long Madang taun. Ol viles kaunsila i tok olsem, Mande em i kaunsila de bilong ol. Na long dispela de ol manmeri i mas stap bek long ples na mekim ol wok kaunsil, olsem long klinim ples na katim gras long ol haus sik na ol samting olsem.

Planti manmeri i save tok giaman i go long ol kaunsila olsem ol i gat bikipela wok i kamap na ol i laik go long maket na painim liklik mani bilong helpim ol. Na kaunsila i save sori long ol pipel bilong em na larim ol i kam long maket. Olsem na long dispela as tingting tasol na taun kaunsil i stapim maket de long Mande.

Taim Bilong Ol Pikinini



Ol 3-pela pikinini ya i sindaun kisim win gut long maus bilong wanpela draipela kaving long Tailan. UN Poto.

POSITION VACANT

WORD

PUBLICITY ADVERTISING
P.O. BOX 282, BOBONG, PASIA, WILHELMIA
TELEPHONE: 25284 TELEK: 25224

TRADESMEN REQUIRED

4 EXPERIENCE OFF-PRINTERS. (WEB EXPERIENCE AN ADVANTAGE)

2 EXPERIENCED CAMERA OPERATORS.

1 EXPERIENCED PLATE MAKER.

ALL APPLICATIONS MUST HOLD TRADE CERTIFICATE.

CONTACT EITHER:

JIM CRONAN OR WILF DAY ON 25 2500.

HONDA



Honda Trail. Exciting riding with the degree of power, performance and safety you expect from the Honda name.

Honda reliability, economy and prestige, on or off the road.

Its great riding
Honda —
Ride Honda today!

Sold and serviced by


Steamships-MACHINERY

and your local
Honda Dealer

Skelim Baset Olsem Wanem?

LONG 9 Novemba, bai palamen i bung na paitim toktok long 1983 base bilong PNG. Sampela dipatmen bilong gavman bai kisim moa mani, sampela bai painim olsem gavman i katim mani bilong ol. Yu ting wanem? Yu laik lukim gavman i skelim mani olsem wanem?

Yu Ting Wanem?



James Hamba

James Hamba i bilong Kainantu, Isten Hailans Provins tasol em i kam stap long

Mosbi. Na nau em i save wok long wanpela seken han stua long Boroko.

James i tok, "Long tingting bilong ol taim gavman i sindaun long mekim 1983 baset bilong yumi, mi laik ol i mas tingting pas long ol lapun long ples husat i no bin lukim wanpela senis bilong waitman i kamap long hap ples ol i stap long en. Mi laikim gavman i mas traim long helpim ol."

"Long dispela baset, mi no laik lukim ol

wankain samting gavman i save putim long baset bipo yet i kam nau. Mi laikim ol i mas traim na tingting long ol promis ol i bin mekim long ol pipel, long taim bilong ileksen. Sampela bilong ol em olsem, apim prais bilong kopi, kaukau o kopra.

"Mi ting sapos ol i mekim olsem long baset bilong yumi, bai ol pipel i save olsem gavman i no bin mauswara nating long ol. Gavman i mas traim tu

long wokim skul, haus sik na tu putim planti man liklik i stap long was tasol, nogut bai sampela bikpela bagarap i kamap long ol provins. Olsem sapos ais i pundaun antap long ol ples long Hailans, bai i gat inap mani long helpim ol. Na mi ting sapos ol i tingting long dispela bai bihain ol i no inap, bel i pen long painim mani.


Kaupa Sine i bilong Guminceria insait long Simbu Provins tasol nau em i save wok long Siti Kaunsil insait long Mosbi.

Kaupa i tok, "Long 1983 baset bilong gavman mi laikim gavman i mas tingting pas long kirapim wok developmen insait long ol ples ausait long tupela siti bilong nupela, em Lae na

Mosbi. Long wanem mi ting i gat inap ol samting pinis long tupela siti ya. Olsem na nau mi laikim gavman i mas tingting long ol ples we, ol pipel o papamama i painim hat long putim pikinin bilong ol long skul, sapos skul i stap longwe. Orait dispela ol kain hevi gavman i mas putim pas na kirapim skul long helpim ol.


"Arapela samting

tu, em long gavman nau i toktok long stapim Fri Edukesen Sistem. Mi ting dispela i no gutpela. Long wanem planti bilong mipela huat i gat planti pikinin i stap long skul nau, bai i no gat inap mani long baim skul fi bilong ol long neks yia. Long dispela, mi laikim gavman i no ken stapim dispela samting tasol givim moa mani i go long Edukesen Dipat-



Kaupa Sine

men bai ol i ken strongim dispela sistem bai wok i ken go het yet."



Tipi Wampi

Tipi Wampi i bilong Finsafen, Morobe Provins tasol nau em i save stap long Morata. Em i wok long

Pagini Printas kampani insait long Mosbi.

Tipi i tok, "Taim gavman i sindaun long wokim baset bilong 1983, namba wan samting ol i mas tingting pas long en, em long wok developmen."

"Long Mosbi yet, gavman i mas tingting long kirapim moa haus, long wanem planti bilong mipela nau i save painim hat tru long kisim haus na mipela i save go stap wantaim ol wantok. Long wanem i no gat inap haus."

"Na long ples bilong

mi long Finsafen, planti taim mi save ritim long Wantok Niuspepa olsem, ol i laikim memba bilong mipela i mas toktok strong na bai gavman i ken helpim ol long wokim gutpela rot long ples. Olsem na long dispela mi laikim gavman i mas lukluk gut long ol dispela kain hevi bilong ol pipel na traim putim planti mani i go hariap na stretim wari bilong ol. Long wanem mi les pinis long lukim dispela wankain wari bilong ol olgeta taim long niuspepa."

Susuve Raipa i bilong Iokea biles insait long Galp Provins tasol nau em i save wok long Waigani Printas insait long Hohola, Mosbi.

Susuve i tok, "Wanem samting mi laikim gavman i mas tingting pastaim i wokim 1983 baset, em wok developmen. Olsem long ples bilong mi yet, mi laik gavman i i mas putim mani nau long putim kolta long Hiritano Haiwe hariap. Na tu mi laikim gavman i mas

triam na wokim gut, wanpela komiyuti skul tasol bilong mipela insait long ples. Bilong wanem na mi laikim gavman i mas wokim gut skul, em bikos dispela em wanpela skul tasol, we olgeta manki long ples i save go skul.

"Olsem na mi ting, skul i mas gat sampela moa ol nupela klasrum bilong ol sumatin. Tasol mi amamas long las baset bilong gavman, bikos ol i harim wari bilong ol pipel



Susuve Raipa

long ples na ol i bin wokim wanpela gutpela klinik long ples bilong mi."



Fotuna Ivali

Fotuna Ivali i bilong Masel Lagun insait long Sentral Provins. Nau em i kam stap long Mosbi wantaim famili bilong em.

Fotuna i tok, "Tingting bilong mi long gavman baset bilong neks yia, 1983, em mi laik ol i mas tingting strong long givim moa mani i go long helpim ol yut grup. Sapos ol i tingim ol yut bai i gutpela moa. Long wanem long nau planti ol yangpela manki i no inap long kisim wok, na taim ol i no gat wok yupela save wanem samting ol i save mekim, em long stil nabuat."

Kain pasin ya i kamap bikpela moa insait long Mosbi. Long dispela tasol na gavman i mas tingting

long kirapim ol liklik projek nabaut bai ol yangpela manki i ken wok long en. Na bai ol i no inap tingting moa long kirapim stil pasin.

"Wanpela arapela samting tu em, long baset, mi laikim gavman i mas givim sampela mani i go long masin o sios grup. Long ol i ken kirapim ol misin vokesenel skul o kain skul olsem. Dispela kain skul bai helpim tru ol yangpela maki taim ol i go skul. Long wanem dispela taim ol sios man i ken skulim ol yangpela tu long lotu pasin. Na bai i ken helpim ol tru long stapim stil pasin."

i kam long pes 4

Asosiesen, Enga Provins Wokas Asosiesen, Is Sepik Provins Wokas Asosiesen, Lumi Wokas Asosiesen, Maprik Wokas Union, i stap tu long lista bilong ol asosiesen husat i no stretim rejistresen bilong ol yet.

Magaret Elias i tok save pinis long ol dispela asosiesen na union olsem ol hetman i mas salim tok save, bilong wanem na ol i no salim ol ripot bilong ol i kam insait long opis bilong Industrial Rejista. Em i tok, ol dispela union na

asosiesen i gat tupela mun long mekim dispela ripot bilong tok save. Em i tok, lo bilong Industrial Rejista sapta 173, i tok olsem, long olgeta yia ol dispela kain asosiesen na union i mas mekim ripot na salim i kam long Industrial Rejista opis.

Dispela ol ripot i mas kamap long opis long Februari 28. Ol dispela ripot mas kam wantaim nem bilong ol nupela manmeri husat i lukautim opis bilong ol long nupela yia, ripot bilong we ol i yusim mani bilong ol, ol nupela lo bilong asosiesen na sais bilong

membasip bilong ol.

"Sapos ol i no mekim ol dispela samting, bai mipela i no ken makim ol olsem rejista grup. Na ol i mas givim tok save long mipela tu long wanem as na ol dispela ripot i no bin kamap long opis bilong mipela. Mipela i bin raitim pas long ol dispela asosiesen na union na tokim ol olsem mipela bai givim ol las sans long Sanap olsem ol reusta grup. Tasol long bipo mipela i bin mekim wanpela wok painim long ol dispela grup na mipela no bin kisim gutpela ansa bek long ol grup ya." Magaret Elias i tok.

SABUSA SAWMILLING Co. Pty Ltd.



TIMBER FOR YOUR REQUIREMENTS.

CAN NOW BE PURCHASED FROM OUR TOWN YARD WHICH IS SITUATED AT SANDERS SALVAGE YARD, WAIGANI DRIVE, HOHOLA.

OPPOSITE ARROW BAKERY




- HARDWOOD
- SOFTWOOD
- FLOORING
- MOULDINGS
- DRESS & ROUGH SAWN TIMBER

● WEATHERBOARD

MONDAY TO FRIDAY
8.00 AM TO 4.30 PM

SATURDAY
8.00 AM TO 11.30 PM

SAWN TIMBER
For the handyman



ANNOUNCING TOMORROW'S FAMILY CAR TODAY

The Tredia. An entirely new addition to Mitsubishi's range of sophisticated cars for the eighties.


The Tredia. Specifically designed as a spacious, comfortable, fuel conscious, four-door car for the modern family.

Computer aided aerodynamic design gives the Tredia better economy and more spacious interiors.

The Tredia. Front wheel drive, with a choice of transmissions.

See for yourself. Test drive the Tredia today, and experience the technology of tomorrow!

The one with Super Shift!



Super Shift is a remarkable, easy-to-use transmission that offers you a choice of 8—yes, 8—forward gears to choose from. The 4-speed manual dual-range gearing is ratioed to give you fast, responsive power for city driving; outstanding economy for highway motoring.

MITSUBISHI TREDIA

TOBA
PTY LTD

TOBA PTY. LTD. - PORT MORESBY
TOBA PTY. LTD. - LAE
KAMSCO - KAVIENG
S & L MOTORS - GOROKA


RABAU GARAGE - RABAU
HAGEN HAULIERS - MT. HAGEN
MICHAEL WING YOU-MANUS
WONG KUI - BUKA
MENDI MOTORS - MENDI

STEAMSHIPS - MADANG
KIMBE CAR SALES - KIMBE
PIUNDE PTY. LTD. - KUNDIAWA
LUS DEVELOPMENT CORP. - WEWAK
BOUGAINVILLE MOTORS - ARAWA

HEB 187E

POP A KINA WITH PEPSI!

TRADE MARK REGD



COLLECT YOUR WINNINGS FROM

- | | |
|--------------|------------------------|
| LAE | B.P. CORDIALS |
| WAU | BURNS PHILP TOWN STORE |
| BULOLO | ORANGE HILL ESTATES |
| KAINANTU | P.N.G. FOREST PRODUCTS |
| GOROKA | BURNS PHILP STORE |
| KUNDIAWA | BURNS PHILP STORE |
| MT. HAGEN | BURNS PHILP STORE |
| POPONDETTA | BURNS PHILP STORE |
| MADANG | BURNS PHILP STORE |
| WEWAK | BURNS PHILP STORE |
| PORT MORESBY | BURNS PHILP STORE |
| BOROKO | BURNS PHILP TOWN STORE |
| RABAU | BURNS PHILP STORE |
| KAVIENG | BURNS PHILP STORE |
| KIETA | BURNS PHILP STORE |
| KIMBE | SP BREWERY DEPOT |
| ARAWA | ARAWA SUPERMARKET |
| PANGUNA | PANGUNA SUPERMARKET |

PROMOTION ENDS WHEN PRIZES EXHAUSTED. 31ST JANUARY.

OVER K10,000 FOR OVER 10,000 WINNERS



HOW CAN YOU WIN?

JUST POP THE RIPCAP OFF A BOTTLE OF PEPSI AND LOOK AROUND THE INSIDE RIM OF THE CAP — IF IT SAYS
WINNER ♥ WINNER ♥ WINNER

THEN YOU'VE WON A KINA



THIS COMPETITION IS NOT OPEN TO THE EMPLOYEES OF THE BOTTLERS OF PEPSI-COLA.

NARAPELA LO

Dia Edita - Wanpela sekyuriti kampani, i save paulim ol wok boi tru.

Mipela save kisim potnait pe olsem tupela wik i go pinis na long namba tri wik Mande, em mipela i save kisim pe. Olgeta kampani, mi save lukim i save givim pe long Fraide o Fond long pinis bilong tupela wik. Tasol mipela i save kisim pe long Mande namba tri wik.

Mipela ol marit man wantaim pikinini i save wari tru long dispela kain pasin bilong kampani. Namba tu samting em, taim mipela ol wokman i painim sik na stap long haus olsem tupela wik, mipela i no save kisim pe.

Na namba tri samting em lip pe. Ol i save tokim ol wokman olsem, sapos husat man i winim 5-pela krismas long wok wantiam kampani bai kisim K200 lip pe. Dispela K200 em i bilong 5-pela yia. Na man i winim tupela yia na em i laik lip, orait em i mas go lip pastaim bihain i kam bek na wok tupela wik, orait bai em i ken kisim K109.50. Na sapos man i pinis long laik bilong em yet long kampani bai em i kisim K80 tasol. Maski sapos yu wok planti yia. Bai

yu kisim wankain mani tasol.

Planti bilong mipela i winim krismas pinis wantaim kampani tasol mipela i no lip yet. Long wanem bos i save stapim mipel na tok, "Yu wet liklik pastaim yu no winim tripela krismas yet."

Hagoli Layu, Boroko, NCD.



TV BAI BILASIM HAUS TASOL

Dia Edita - Mi bin harim minista bilong media, Mista Bayamo Sali i toktok long bringim TV insait long PNG.

Dispela i gutpela tingting tru bilong yu. Tasol long tingting na laik bilong mi wantaim ol arapela brata, mipela i no amamas long harim dispela toktok bilong TV. Bikpela hevi bilong ol pipel long viles, taun na siti i stap yet.

Yu save raun long ka, balus na sip tasol. Yu kam kamap long Mosbi siti na yu go bek long Lae. Ating yu no bin tromoi lek liklik na wokabaut raun long siti, taun na ol viles na lukim wanem kain hevi i stap long ol pipel.

Taim bilong Chan-Okuk gavman, ol i bin mekim planti wok plen olsem, long kamapim haus sik, komyuniti skul, Vokesenel senta na arapela moa wok



NOGAT KAIKAI NOGAT PAIT

Dia Edita - Mi laik toktok long Hailans pipel i save pait klostu klostu. Mi wanpela manki krismas bilong mi aninit long 19 tasol taim bilong pait mi save i go pas long pait. Na ol man long ples i save amamas na apim nem bilong mi i go antop tru.

Tasol pait i no gutpela samting. Em i wanpela rabis samting tru. Nau mi no laik pait gen olsem na nau mi i gat wanpela gutpela tingting o aidia.

Dispela aidia bilong mi go olsem. Nau long dispela taim hap long Hailans ol i pait, oke, ol plisman o mobail skwat i go na i no ken raunim man tasol. Taim yupela i go long ples we ol i pait, yupela i no ken kam bek long taun. Yupela mas wokim haus sel na slip i stap. Sapos mi bilong Yuri, na mipela pait wantaim lain Golen, oke, yupela ol plisman i mas i go kisim tri o foapela lain grup me makim olsem Dom, Bandi, Era, Mian, i go wantaim ol plisman.

Taim yupela laik statim dispela i wok oke, yupela i mas i go wantaim tamiok, busnaip, spet or savol, bokis masis or paia, na - kukim haus na brukim banis bilong gaden na kukim. Oke insait long gaden wanem kain kaikai i stap i no ken larim wanpela i stap. Yupela pinisim na graun nating i stap.

Taim mi laik go pait mama na susa o meri bilong mi i save givim mi planti kaukau. Mi kaikai strong tru na mi save i go long pait ples. Mi save wetim mama o susa o meri bilong mi long kukim kaukau.

Ol dispela samting mi bin toktok long en sapos ol i wokim, oke sampela lain i lukim na

bai ol i pret na i no inap pait gen. Ol bai sindaun isi tru.

Mi lukim taim ol plisman i go na raunim mipela tasol na troimim tia gas na kam bek. Tasol mipela pait i go moa moa yet. Na planti man i save indai i go i kam. Long wanem ol kaikai long gaden i stap na mipela pait yet. Sapos nogat kaikai mipela i o inap pait.

Dava Galmal, Oledale viles, Gumine, Saut Simbu.

SEPTEMBER 16 0 18

Dia Edita - Mipela long Not Solomons Provins i no bin selebretim Independens long Septemba 16, taim Papua Niugini i kisim independens. Nogat Not Solomons Provins i bin selebretim long Septemba 18.

Tok Save i go long ol man i save salim pas long Wantok Sapos yu no putim nem tru bilong yu long pas mipela i no inap prinim leta bilong yu.

Mi lukim na i no stret. Mipela i no kisim independens long Septemba 18. Nogat. Na bilong wanem na Not Solomons i selebretim independens long Septemba 18 na ol arapela provins i selebretim independens long Septemba 16 stret. I no mi tasol i komplem long dispela. Planti ol arapela wokman na meri long Not Solomons i no bin amamas. Em tasol liklik wari.

Morris Waeo Sonao, Arawa, NSP.

OPIM AI NA VOT

Dia Edita - Nau mi laik bekim pas bilong tupela brata ya Jacob Awogeta bilong Lufa, Isten Hailans na Benny Honenu bilong Toniva, Kieta.

Long bekim pas bilong brata Jacob, mi laik tokim em olsem, brata yu mas opim ai bilong yu na givim vot. Na tu givim vot bilong yu i go long ol man yu ting i gat save na inap long kirapim developmen long hap bilong yu. Yu no ken givim vot long man i save

toktok long ples tasol. Sapos yu ting olsem dispela kain man bai inap, sori tumas. Em bai memba nating ya. Man i gat save olsem John Giheno, em bai kamap minista. Olsem na brata Joseph yu mas opim ai na givim vot.

Na long brata Benny, mi ting olsem pas bilong yu o tingting bilong yu em i tru. Bipo olupela memba bilong yupela nau John Giheno i no minista. Bipo yupela bin pasim ai na givim vot tasol

nau yupela i opim ai pinis, na yupela i amamas.

Tasol ol Lufa i kisim wok minista i wok long pasim ai na vot yet. I gat planti ol saveman i save resis wantiam Sunavi Otio. Tasol ol i no laikim ol dispela saveman. Na memba bilong ol i no kisim wok minista. Na maski long kolim nem bilong Praim Minista nating, em i no manki bilong yupela.

Ake Soya, Goroka, EHP.

ATING YUPELA I NO SEM

Dia Edita - Insait long Wantok Niuspepa, planti taim mi save ritim ol pas bilong ol man i save askim planti kwesten long wanem kain meri ol i mas maritim.

Meri long ples husat i no skul o meri i gat bikpela seve? Mi ting dispela ol kain pas i no gutpela long ritim. Olsem wanem, yupela laikim olgeta man na meri insait long Papua Niugin long save long marit bilong yupela na yupela rait i kam long

Wantok Niuspepa? Ating yupela i no save long we bilong painim meri olsem na yupela rait.

Traim na yupela sem liklik long dispela kain wari yupela i gat na kipim long tingting bilong yu yet. Sapos yu husat man i laik maritim skul meri o meri i no bin skul, em laik bilong yu tasol. Mipela i no inap long tokim yu long wanem meri yu mas maritim.

Bipo, ol dispela kain wari i no save

kamap planti taim long ol niuspepa olsem Wantok. Tasol nau, planti man na ol meri tu i save rait i kam long ol niuspepa bilong yumi long autim ol kain wari olsem. I gutpela ol i rait i kam long niuspepa, tasol ol i no ken autim ol kain wari olsem dispela. Em i samting bilong yumi ol wan wan man na meri. Na em i mas stap long het bilong yu yet.

Kolo Lati, Arawa, NSP.

UNGGAI NA NABAIYUFA MAS BUNG

Dia Edita - Mi laik autim tingting bilong mi long ol pipel bilong Unggai na Nabaiyufa long lusim dispela tupela nem na senisim i go long Siane. Long wanem dispela tupela nem Unggai na Nabaiyufa, em i no nem tru.

Plis mi askim yupela ol brata long traime na kisim tingting bilong mi na askim nesanel gavman o Ilektoral Baundris Komis in long lukluk long dispela na senisim hariap. Bikpela tingting bilong mi olsem, yupela ol Nabaiyufa i wan blut bilong Unggai pipel. Olsem na tok ples tu bilong yupela i wankain.

Mi gat laik olsem, sapos yu husat brata o susa i ritim dispela pas, yu mas toktok strong na helpim mi. Na yumi bungim papamama na susa na brata long dispela tupela hap. Ol i mas bung na kisim nem Siane. Na tu i mas i gat wanpela ilektoret tasol long sindaun na bung wantaim.

Mi save olsem Simbu i bosim Nabaiyufa longpela taim pinis na tu Unggai i lusim Nabaiyufa longpela taim tru. Olsem na nau em i taim bilong yumi long bung wantaim. Stretim rot bilong yumi na bung wantaim na putim haus bilong kausil namel long yumi yet. Na tu bringim haikul i kam insait na haus sik na ol arapela samting moa.

Tasol pastaim yumi mas bung wantaim na bihain bai gat planti samting yumi ken toktok long en.

Chinodia Nenge'mac, Kerevat, ENBP.



CALLING ALL BANDS WE SELL

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

at ROOKS RADIO
P O BOX 191, LAE.
(Behind B.P.)
PH: 42 4616.

OL SAVEMAN BAI RANAWA

Dia Edita - Planti taim mi save harim long radio na tu ritim long niuspepa olsem planti hap kantri, ol i stat pait nau.

Olsem na mi laikim gavman bilong mipela i mas tingting gut long dispela na helpim Difens Fos long ol igen kisim sampela moa man. Na ol i ken kisim trening na sambai tasol, nogut bihain sampela kantri i laik

traime wantaim yumi bai nogut yumi tulet long givim trening i go long ol nupela soldia. Na bai ol i kirap pinisim yumi olsem tarangau i pinisim pikinini kakaruk.

Olsem na askim bilong mi i go long gavman na tu i go long yupela bikman bilong Difens Fos. Yupela maski tingting long kisim ol skul manki tasol. Em ol i save wok

long mani tasol. Bihain long bikpela pait, bai ol i rausim yunifom na bai ol i sanap stretim bun wantaim ol arapela kantri? Yupela tingting long bipo long Wol Woa 2, em ol skul man i winim dispela pait o olsem wanem?

Charalte Mathais, Hohola No.4, Mosbi.



TOP VALUE LOW PRICES

30g
48t

39t

425g
54t

45t

750ml
82t

79t

405g
59t

55t

340g
67t

60t

170g 44t

37t

750ml ~~K1.61~~

K1.40

PRICES MAY VARY AWAY FROM MAIN PORTS
BUT SAVINGS ARE THE SAME EVERYWHERE!

Burns Philp



BOROKO	22 9360	MADANG	82 2488	MT. HAGEN	52 1677
PORT MORESBY	22 9238	WEWAK	86 2322	GOROKA	72 1033
LAE	42 3666	KIETA	95 6132	SAMARAI	62 1255
RBAUL	92 2666	KAVIENG	94 2202	POPONDETTA	29 7133
				KAINANTU	77-1126

have got it ... nationwide!



TOP VALUE LOW PRICES

K1.05

300g

~~K1.14~~



~~85t~~ **75t**

200g



~~31t~~ **27t**



K1.40

~~K1.60~~

375g



K1.35

~~K1.68~~

455g



~~84t~~ **69t**

250g



Burns Philp *have got it ... nationwide!*



BOROKO	22 9360	WEWAK	86 2322	SAMARAI	62 1255
PORT MORESBY ..	22 9238	KIETA	95 6132	POPONDETTA ..	29 7133
LAE	42 3666	KAVIENG	94 2202	KAINANTU	77 1126
RABAUL	92 2666	MT. HAGEN	52 1677		
MADANG	82 2488	GOROKA	72 1033		

3 things you'll get from

VICTA

Service, reliability, performance.


VICTA SUPER 600

The mower to choose for difficult mowing situations. The giant cutting width and power boosted engine are designed to cope with the toughest conditions, minimising the problem of stalling.



VICTA PROFESSIONAL 460 MOWER.

If your job depends on constant reliability, you'll want the Victa Professional. It's a more rugged version of your well known Victa domestic. This solid heavy duty work-horse just keeps on cutting. It's strong and tough but surprisingly light to handle.



VICTA UTILITY

The lightweight Victa Utility incorporates all the best features of larger mowers with the dependable Victa 160cc 2 stroke engine. Easy to handle and a tiger in the rough.



Victa mowers are designed to last. The dependable 2 stroke engine in every Victa is individually checked after manufacture. Victa mowers are backed by professional service and spares, assuring you of trouble free mowing.

VICTA

Bowmans, Kieta. 95 1155
 Kimbe Kar Sales, Kimbe. 93 5035
 ASP (NG) Pty Ltd, Rabaul. 92 2649
 Wamp-NGA Motors, Mt Hagen. 52 1964
 The Dieter Service Centre, Wewak. 86 2096

Mi No Inap Karim Pikinini

DIA LAIPLAIN,


MI bin stap wantaim wanpela man long ples bilong mi inap long wanpela yia olgeta nau. Tasol mitupela i no marit. Na mi bin i gat bel, tasol bihain long tupela mun, pikinini i bagarap long bel bilong mi.

I no longpela taim i go pinis na dispela hevi i kamap long mi. Na man ya i kros nogut tru. Em i sutim tok long mi olsem mi no inap karim pikinini moa.

Em i gat belhevi na em i save dring bia olgeta taim. Mi lukim dispela pasin bilong em na mi ting em i kisim sik bilong bia. Long wanem em i no inap malolo long dring bia. Ating dispela sik bilong bia i mekim na mi no inap karim pikinini gut o olsem wanem?

Planti taim mi save askim em long kam wantaim mi long Famili Plening Klinik. Mi tok klia long em olsem bai ol dokta i sekap long mitupela na painimaut wanem samting i rong. Tasol boipren bilong mi ya i no save toktok gut.

LAIP



LAIN

Mi gat bikpela wari tru. Long wanem mi ting bai mi no inap karim pikinini gen. Plis, inap bai yupela i helpim mi na tok klia long dispela samting o nogat?

DIA PREN,

Mipela i save olsem bai yu wantaim boipren bilong yu i gat bikpela belhevi long dispela samting. Mipela i ken tokim yu stret nau olsem yu inap long karim pikinini bihain. Na yu bin i gat bel sotpela taim tasol na pikinini i bagarap insait long bel.

Dispela i soim olsem yupela i ken kamapim pikinini long sampela taim bihain. Ol wokmanmeri bilong Famili Plening Klinik i save tokaut klia olsem wanpela man na meri i ken stap wantaim longpela taim tru. Na



meri i no inap karim pikinini hariap.

Ol bai larim dispela tupela man na meri i stap inap long tripela yia pastaim na klinik i sekap long ol.

I gat planti arapela samting i ken mekim na pikinini i bagarap long bel bilong meri. Maski man bilong yu i dring planti bia olgeta taim. Planti meri tru i save painim dispela kain hevi. Tasol bihain ol i save karim ol gutpela pikinini.

Yu yet i no ken tingting planti long dispela hevi bilong yu. Mi bai tok klia long yu nau long wanem samting yutupela i ken mekim na painim gutpela sindaun long bihain taim.

Namba wan askim i olsem: Bilong wanem as tru na yu wantaim man i laik kamapim pikinini? Yutupela i laik soim olsem yupela i bikpela man na meri pinis o olsem wanem? Dispela tingting i no gutpela tumas.

Ol pikinini i mas i gat gutpela sindaun. Na papamama i mas i stap wanbel wantaim na lukautim pikinini na lainim em long gutpela pasin. Em bai yupela i stap amamas wantaim olgeta taim.

Namba tu askim i go olsem: Yu ting dispela man bilong yu bai kamap gutpela papa na lukautim pikinini gut o olsem wanem? Yu bin tokaut pinis olsem em i save dring bia tumas. Na yu ting em bai wok hat long lukautim famili na mekim gut olgeta samting olsem man tru o nogat?

Yu yet, i bin tokaut olsem em i no save toktok gut na stretim dispela hevi bilong yutupela. Yu ting wanem? Na yu ting em inap long kisim gutpela tingting na stretim dispela kain wari

bilong yupela bihain o nogat?

Sapos yu ting em i ken wokim olgeta samting gut, yupela i ken marit. Na bilong wanem as tru na yutupela i stap wantaim na i no marit hariap?

Ating yutupela i tingting long katim marit, sapos yupela i les long stap wantaim olsem marit man na meri, laka? Sapos yupela i laik mekim dispela pasin, bai yupela mekim wanem long pikinini?

Mipela i tingting tumas long yu. Long wanem yu yet i ting dispela man bilong yu i kisim sik bilong bia. Orait. Yu mas traim painim sampela we bilong helpim em. Em yet i ken lusim pasin bilong dring bia, sapos em i gat strongpela tingting long stapim dispela pasin.

Ol man husat i gat dispela sik bilong bia i ken ringim ALKOHOLIKS ANONIMAS long Mosbi long telepon namba 25 7711. Ol i ken kam long miting insait long haus bilong Laiplain klostu long Waigani Paia Stesin long olgeta Mande nait.

Sapos yu no save long Alkoholiks Anonimas meeting i kamap klostu long ples bilong yu, orait, yu ken lukim wanpela pasta, pater o pris. Na ol dispela man bilong sios i ken helpim yu, sapos yu bringim wari bilong yu i go long ol.

Pren, mipela i ting ol dispela toktok bilong mipela bai helpim yu long tingting gut. Na yu wantaim man ya, i ken sindaun wantaim na stretim hevi bilong yupela na kamapim gutpela bel amamas long bihaintaim.

MI LAIPLAIN.

Tobit

Namba Tu Lain
Buk Bilong Olpela
Testamen

Tobit em i nem bilong wanpela lapun Judaman. Tobit em tu i nem bilong wanpela buk i stori long dispela man. Long taim bilong Jisas dispela buk i stap namel long ol arapela buk bilong Olpela Testamen.

Dispela em i wanpela naispela stori bilong lapun Tobit. Wanpela pisin i pekpek long ai bilong em na em i aipas. Nau bikensel Rafael i kam insait long stori, na insait long laip bilong Tobit, long helpim em.

Rafael i mekim gut tru long famili bilong Tobit na long pikinini bilong em, Tobaias. Rafael i kamap olsem wanpela yangpela man na em i poromanim Tobaias i go longwe long kandre bilong em bilong kisim bek dinau. Hia Rafael i helpim Tobaias long painim wanpela naispela meri. Na bihain Tobaias i kamap bikpela man tru.

Ating bai yu laikim dispela stori tru. Em i stap insait long Baibel bilong Ol Katolik na ol Engliken.

Taim Rafael na Gabael i kamap long haus bilong Raguel, ol i painim Tobaias i kaikai i stap. Wantu Tobaias i kirap na i givim gude long Gabael. Wara i kamap long ai bilong Gabel taim em i bekim gude na i tok: "Yu gutpela na stretpela man, yu wankain olsem papa bilong yu. God bilong heven i ken mekim gut long yu wantaim meri bilong yu, na God i ken mekim gut tu long tambu papa na mama bilong yu. Mi litim-pim nem bilong God bikos em i larim mi i stap inap mi lukim wanpisin bilong mi, Tobaias. Pes bilong em i wankain tru olsem papa bilong em."

6. Tobit i tokim em olsem: "Maski, yu no ken krai. Tobaias i stap orait. Ating samting i bin kamap na i pasim tupela. Yu save, poroman bilong em i wanpisin bilong yumi, na em i stretpela na strongpela man. Maski, yu no ken kirap nogut na wari tumas. Mi pilim olsem, Tobaias em i wok long kam bek nau."

7. Tasol meri i bekim tok olsem: "Maski, yu sanap na yu larim mi i krai i stap. Yu no ken trikim mi. Pikinini bilong mi indai pinis." Long olgeta de long moningtaim yet Ana i lusim haus na i go sanap long rot, Tobaias i bin wokabaut i go long en. Na em i wet i wet inap long taim san i go daun. Em i no save kaikai. Na long apinun em i kam bek, na em i krai krai long pikinini bilong em, i go inap long moning gen. Em i no save slip liklik. Nogat

TOBAIAS NA RAFAEL I LUSIM EKBATANA

Dispela pati bilong marit, em Raguel i bin promisim pikinini bilong em Sera, em i winim tu wik pinis nau. Olsem na Tobaias i go long Raguel na i askim em: "Plis, inap long yu orait na mi ken go bek long ples bilong mi, a? Mi save pinis, papa na mama bilong mi, tupela i wari na i ting, tupela i no inap long lukim mi gen. Plis, Raguel, larim mi i go bek long papa bilong mi. Mi tokim yu pinis, taim mi lusim em, em i lapun pinis na ai bilong em i pas." Tasol

Raguel i bekim tok olsem: "Pikinini, yu mas stap yet wantaim mi. Na mi yet bai salim sampela man i go long papa bilong yu, na i tokim em long yu i stap orait."

9. Tasol Tobaias i tok strong: "Nogat, mi no ken. Plis, yu larim mi go bek long papa."

10. Orait, Raguel i no wet moa na em i givim Sera long Tobaias. Na em i givim Tobaias hap bilong olgeta samting bilong em: Ol wokman na wokmeri na bulmakau na sipsip na donki na kamel na bilas na mani.

11. Raguel i givim kis long Tobaias na em i givim gutpela tok long em olsem: "Gutbai, pikinini bilong mi. Wokabaut gut. God bilong heven i ken was long yu wantaim Sera. Na mi hop bambai mi ken lukim ol pikinini bilong yutupela." 12. Na Raguel i tok long Sera olsem: "Yu go wantaim man bilong yu, na yu mas stap long haus bilong papamama bilong em. Nau tupela i mas papamama bilong yu, wankain olsem mitupela i papamama bilong yu inap nau. Mi laik harim tupela i mekim gutpela tok long yu olgeta de, inap long taim mi dai." Em i tok gutbai na em i salim tupela i go.

Na Etna i tok long Tobaias olsem: "Tobaias, yu gutpela pikinini bilong mi. Bikpela i ken bringim yu bek orait long ples bilong yu. Bikpela i ken gut long mi tu, bai mi ken i stap inap long de mi lukim ol pikinini bilong yu. Bikpela i ken harim tok bilong mi. Mi givim pikinini bilong mi i go long yu bai yu lukautim em. Plis, i no gat wanpela taim long laip bilong yu, yu ken mekim wanpela samting inap long mekim bel bilong em i nogut. Nau yu tupela i wokabaut gut. Sera nau em i meri bilong yu, na mi mama bilong yu. Mi pre bai yumi olgeta i ken stap gut na hepi long olgeta de bilong laip bilong yumi." Nau Etna i givim kis long tupela na em i salim tupela i go.

I go
moa long
neks wik.

Ol Namba Wan Fransiskan Sista

LONG Janueri 1982 i gat 5-pela meri Sepik i bin tok promis long Aitape long holim wok sista insait long lain bilong ol Fransiskan Sista (OSF). Tude ol i mekim kain kain wok nabaut long hap bilong Aitape. Na stori bilong wan wan i narakain liklik.

Sapos yu stat long lephan bilong potu, yu ken lukim Sista Roselyn na Sista Maria na Sista Teri (Teresia) na Sista Helen na Sista Rosella na Sista Matilda. Em hia stori bilong wan wan.

Sista Roselyn em i bilong ples Fatima insait long bikbus bilong Aitape. Papamama bilong em i bin wok bipo long het stesin bilong misin long Sant Anna (Aitape). Olsem na Roselyn oltaim i stap long taun na i go long Aitape Komyuniti Skul. Bihain em i wok long haus sista inap 8-pela yia olsem hauskipa bilong ol. Tude em i save raun long Aitape taun na mekim kain kain pastoral wok. Em i stap long pastoral tim.

Pastoral tim em ol OSF sista i save raun bungim ol famili long ol liklik kem na setelmen nabaut long taun. Ol i skulim ol papamama long tok bilong God. Ol i tis relisen long ol skul bilong Gavman. Ol i skulim ol



(L-R) Sista Roselyn, Sista Maria, Sista Teresia, Sista Helen, Sista Rosella, Sista Matilda.

bikpela manmeri long rit na rait.

Sista Maria em i bilong ples Malol. Em i winim 6 yia skul long ples na i laik tru long kamap nes. Tasol em i yangpela tumas. Olsem na em i go bek long ples na i mekim komyuniti wok. Em i skruim skul i go inap nau..... Em tu i stap long pastoral tim.

Sista Teri em i tren yet long kamap sista na i o bin mekim promis yet. Em i bilong ples But long Is Sepik. Long taim em i skul long Yarapos Haiskul long Wewak, em i lukim wanpela tok save bilong ol Fransiskan Sista i stap long "New Nation" niuspepa. Dispela tok i pulim em na em i rait long ol na i tok em i laik joinim ol sista.

Sista Teri i skul long tisa koles long Kaindi (Wewak) na bihain em i tis wan yia long Yarapos, na wan yia long But, na wan yia long Marimumbo. Olgeta i ples bilong Is Sepik tasol. Orait, nau em i kam joinim ol Sista long Aitape - na nau em i tis gen.

Sista Helen em i bilong Lumi long Wes Sepik. Em i winim gret 8 long Sen Ignatius Haiskul long Aitape. Orait, em i go bek long ples na i wok long haus bilong ol sista inap 3-pela yia. Nau em i joinim ol sista na em i go pinisim gret 9 na 10 Sen Ignatius. Em i bin tren tu long Kabaleo Tisa Trening Koles long Rabaul. Tude em i ranim Vokesenel Senta long Warapu,

klostu long Sissano.

Sista Rosella em i bilong Waroma viles long Vanimo. Em i winim komyuniti skul long ples na Sen Ignatius Haiskul long Aitape. Bihain long tisa trening long Kaindi long Weak, em i joinim ol OSF Sista. Nau em i tis long Warapu Komyuniti Skul, long Wes Sepik nambis.

Sista Matilda em i bilong Nuku long Wes Sepik. Em i nes, olsem na em i bin skul long dispela. Pastaim em i nes et long Raihu Helt Senta long Aitape na tu long haus sik long Nuku. Orait, nau em i pinisim Sen Ignatius Haiskul na em i nes yet long haus sik bilong Sissano long Wes Sepik nambis.

Sande lotu

Frank Mihalic

SANDE NAMBA 33 BILONG YIA (14 Novemba 1982) (Mak 13: 24 - 32).

Dispela hap bilong Baibel i gat tok long las de bilong dispela graun. Stat long namba wan ves bilong dispela sapta 13 bilong Sen Mak, Jisas i stori long olkain samting nogut na taim nogut bai painim ol manmeri long taim graun i laik pinis. Na em pretim ol tru, long wanem, em i tok olsem, "Ol manmeri bilong dispela taim ol i no dai yet, na bai dispela olgeta samting i kamap." Ol lain i stap nabaut long Jisas i harim dispela samting, na ol i ting, bihain liklik na ol samting bai pinis.

Tasol nau long ves namba 32 Jisas yet i tok olsem: "Tasol i no gat wanpela man i save long dispela de na dispela awa. Ol ensel bilong heven ol i no save long en. Pikinini tu em i no save long en. Papa wanpela tasol em i save long dispela.

Planti planti taim sampela lain tisa na pasto i pulim longpela tok i go long ol dispela 31 ves bilong Mak 13. Ol i pretim ol pipel. Ol yet i makim wanpela de stret i olsem las de. Long wanem, ol i no kamap long ves 32 na ritim i go wantaim ol samting bipo. Ol i hapim tok.

Sampela lain lotu i save trikim ol pipel na giamanim ol long dispela de. Long mun Mas bilong dispela yia, planti bikpela sta i wokabaut antap, ol i sanap i stap long wanpela lain wantaim san na graun bilong yumi. Em i narakain nius tru. Kwiktaim nau, sampela kusaiman i kirap na i tok, graun i lait pinis nau, na las de i laik kamap. Na oltaim oltaim i gat planti manmeri i save bilipim dispela kain tok giaman na tok win. Na yu lukim, ol samting i stap yet.

Harim, nau tasol mi save pinis olsem, long 4 klok apinun long de namba 11 bilong Jun long neks yia - em 1983 - bai san i go tudak olgeta long planti hap bilong PNG inap long 3 minit stret. Mi save pinis wan yia bipotaim. Em i no trik. Ol

saveman bilong sta i tok save long mi pinis. Bihain bai mi printim long niuspepa. Nau, yu tu yu save pinis. Tasol nau yu lukaut. Sapos de ya i kamap klostu, bai sampela lain sios i traim trikim ol pipel na tok, las de i kamap nau. Em i trik na giaman tasol.

Harim! Watpo God i no laik autim taim bilong las de? Jisas yet i klaim dispela tok long dispela sapta 13 bilong Mak yet. Yu rit i go moa. Sapos yu no save wataim bai las de i kamap, orait, oltaim yumi mas redi. Yumi no ken go hambak pastaim, na bihain long las minit yumi tanim bel na trikim God.

Tasol watpo yumi wari na pret long las de? Olaboi! Em bai gutpela de tru bilong yumi olgeta manmeri i bin taitim bun long mekim gutpela pasin. Em bai potnait bilong yumi. Em bai stat bilong heven na malolo bilong yumi. Long dispela de bai yumi win, bai gutpela na stretpela pasin i win.

Ating yumi wari tumas long PINIS bilong olgeta samting, na yumi no ting long STAT bilong planti nupela samting. Olgeta de hia long graun yumi save lukim wanpela samting i mas pinis, bipo arapela nupela samting i ken kamap. Na dispela nupela samting i win. Lukim! Bilong mekim pati, yumi mas kamautim kaikai. Yumi save brukim olpela haus bai yumi ken sanapim wanpela nupela. Yumi save kilim pik, bai yumi-gat mumu. Yumi save rausim bus, bai gaden i ken kamap. Yu lukim! Oltaim samting i pinis, na samting i kirap.

Long las de bai em i wankain. Bai yumi pinis. Dispela taim nogut long graun, na yumi kamap long heven. Yumi mekim dai liklik lam wokabaut bilong yumi, long wanem, biksan i kamap pinis. Yu no wari long lam. Yu amamas long san.

Pikinini Meri Kamap Long

Laulau

LONG bipo bipo tru long hapsait long Galp Provins long ples ol i kolim Urika i gat wanpela bikpela laulau diwai i save stap arere long wanpela liklik han wara ol i kolim Uripa.

na sekim diwai i go na bikpela laulau ya i pundaun long wara Uripa. Dispela laulau i bin stap long wara olsem tupela wik

olgeta. Sori tru i no gat wanpela man o meri i save go long dispela hap we diwai laulau i sanap. Long wanem dispela hap i bikbus tru.

Tupela wik pinis na mau laulau ya i bruk namel na wanpela naispela liklik pikinini

meri i kam ausait. Long 2-pela yia olgeta, liklik pikinini meri ya i sindaun aninit long as bilong laulau diwai ya na kaikaim ol pikinini laulau tasol i stap. Em i stap long dispela hap tasol i go na bihain long 8-pela krismas em i wokim wanpela umben

bilong kisim pis. Taim em i kisim pis pinis em i save kaikai nating. Em i no save long we bilong wokim paia na kukim pis.

Long taim meri ya i gat 14 krismas pinis em i no save olsem planti manmeri na pikinini i stap long narapela sait long wara. Tasol klostu long arere bilong wara em i save stap long en i gat wanpela man na meri wantaim pikinini man bilong tupela husat i gat 14 krismas wankain olsem liklik laulau meri.

Long wanpela taim, liklik meri ya i go antap long kisim laulau. Na taim em i stap antap long laulau diwai, em i lukim smok bilong paia i no pilai pilai long hapsait bilong maunten. Em i lukim pinis na kwiktaim tumas em i lusim diwai i kam daun na wantu tasol em i swim i go long hapsait. Na em i wokabaut i go long lukim smok i kam we tru. Em i wokabaut i go as nating na tu em namba wan taim bilong em long lukim ol samting olsem haus na smok. Em i no lukim ol dispela samting bipo.

Dispela meri ya i wokabaut isi isi tasol i go insait long haus bilong dispela man ya na em i pret na skin i guria na pispis i kapsait nating. Em i lukluk i go insait long haus tasol papa bilong haus i no stap, olgeta i go pinis long gaden. Taim em i stap insait long haus em i lukim ol gutpela kaikai na tarangu ya i daunim spet pinis. Em i go na kisim sampela saksak, banana na

kaukau, hap paia wut i gat paia long en na kwiktaim tasol em i karim i go bek long hap ples bilong em. Na em i kukim olgeta kaikai ya na kaikaim.

Em i pilim dispela gutpela kaikai ya i swit moa na em i kirap gen long neks de na i go stilim sampela moa kaikai bilong ol lain ya. Dispela pasin em i mekim tripela taim olgeta na tarangu papa bilong haus wantaim pikinini man bilong em i save kros olgeta taim. Long wanem olgeta taim kaikai i save pinis hariap tasol.

Long wanpela de pikinini man i kisim tamiok na spia na i hait i stap arere long haus long lukim wanem samting tru i save pinisim kaikai bilong tupela. Na taim meri ya i go long kisim kaikai, manki ya i harim pinis lek bilong meri. Meri ya i wokabaut i go insait long haus pinis na i wok long kisim sampela banana, saksak na taro na i pulmapim i go insait long bilum bilong em pinis na i laik go ausait. Tasol nogat, manki ya wantu tasol i kamap na pasim rot. Meri i kirap nogut na i laik ranawe tasol manki ya i holim pasim em strong tru.

Na manki ya i tokim meri ya, "Mi no inap wokim wanpela samting no gut long yu bai yu kamap susa bilong mi." Meri ya i harim

tasol na i sindaun na i wok long tokim manki ya long wanem samting em i save mekim long laip bilong em bipo yet i kam inap nau. Tupela i stori na wok long kukim kaikai bilong apinun i stap na papamama bilong manki ya i kamap long ples.

Tupela i amamas tru long lukim meri ya, mama bilong manki ya i wokim ol purpur na givim long meri ya. Oli stap i go planti krismas i go pins na long wanpela taim manki na meri ya i pilai i stap. Na manki ya i pilim les na em i slip na meri ya i pilai pila i go na em i kamap wanpela bataflai. Manki ya i kirap na bihainim bataflai i go long wanpela ailan, long dispela ailan em i lukim meri ya i sindaun i stap. Na manki ya i lukim meri ya gen na tupela i amamas nogut tru na tupela ya i pinisim laik tru.

Bihain long wanpela de tupela i marit na i go bek lukim papamama bilong tupela gen. Na papamama i lukim tupela na ol i amamas nogut tru, na long dispela taim i kam meri ya i karim planti pikinini. Sapos nau yu go long wara Uripa bai yu ken lukim draipela laulau diwai ya i stap yet arere long wara.

Mathew Playo Andrew, P.O. Box 732, Arawa, NSP.



Long dispela laulau diwai i gat wanpela bikpela pikinini laulau tasol i stap long en. I no gat arapela moa ol pikinini laulau long dispela diwai.

Dispela pikinini laulau i stap i go i gona i mau olgeta. Tasol long wanpela de, bikpela win tru i kam

pasel pes pasel p

Insait long dispela pasel i gat 15 toktok i hait i stap. Yu inap painim o nogat? Aibika - Karuka - Mais - Malambur - Yam - Melen - Suga - Saksak - Kari - Maniok - Pinat - Talinga - Tauka - Kukamba - Taro

K I O K O I N A M A R I S A W
 B A S K E T D K E J E L E S Y
 E A K U A T U Y L U S Y O N A
 L F I K S K K I O R A T B B M
 A G H A A V D M W P B O G G E
 K O O M U S U T A L I N G A N
 A L B A U M K H A H Y K H P Y
 R A S L W A I B I K A R U K S
 U P T A N I R W A R A U O U U
 K H I M K S I P M A L A M B G
 A I N B A S V U E E N O Y J A
 J L K U G W A F J J L F R K N
 O O N R O T O K V I L E S R Y
 B M O G I L O W E W A K N Y J
 K A R I V O L I B A T A N I P

YU INAP PAINIM TOK I HAIT?

POASS



DINDIAM



NMELA



Taim yu no moa lukluk. Taim yu no moa inap toktok. Taim yu no moa pulim win na leva bilong yu stap wok, yu bai slip insait long bokis matmat. Long dispela taim bi yu stap long ples ya.




Ansa bilong las wik: Komyuniti, Helpim, Wantok - KOMONWELT




Oktoba 24 em i Yunaitet Nesen De. Na long makim dispela de, ol pikinini long Boroko Is Intenesenel skul long Mosbi i bin putim ol bilas bilong kantri bilong ol na go long skul.

ANSA BILONG LAS WIK

pasel pes pose





REWARD

WANTED
"Dead or Alive"
EMPTY
BOTTLES

Cash in NOW!
with your empty
bottles at our
nearest deport...

 **Moresby Bottle Co Limited**

Collection Points:

PORT MORESBY Scratchly Road,
Badili
LAE Mangola Street
GOROKA Edward Street
MT HAGEN Woyne Road
MADANG Modilon Road
WEWAK Boram Road
LORENGAU
KAVIENG Nusa Parade
RABAU Cleland Drive
KIMBE Kimbe
KIETA Bougainville Beverage, Arawa
DARU Cameron Road
ALOTAU Preston White Street
POPONDETTA
BULOLO

RETURN
EMPTY
AND KEEP
P.N.G. TIDY

Lindy Chamberlain I Kalabus Inap Em I Dai

BIKPELA kot long Darwin, Australia, i salim pinis Misis Lindy Chamberlain, i go long kalabus inap long taim em i dai.

Meri ya Misis Lindy Chamberlain, krismas bilong em 34, i bin kilim indai pikinini meri bilong em Azaria, long Ayers Rock, Australia long 1980. Pikinini ya krismas bilong em i 9-pela wik tasol long taim em indai.

Kot i bin salim tu man bilong Lindy, Michael Chamberlain i go long kalabus inap 18 mun olgeta. Tasol, kot i larim em i go fri, bihain long loya bilong em i bin askim gen kot olsem Michael i gat tupela arapela pikinini man long lukautim.

Misis Chamberlain nau i gat bel gen inap 8-pela mun pinis.

Long taim Azaria i bin dai, Lindy Chamberlain i bin tok olsem wanpela weldok bilong Australia ol i kolim dingo, i bin kilim indai liklik bebi ya. Dispela famili i bin go holide i stap long Ayers Rock na ol i bin slip long wanpela haus sel taim Azaria i bin dai.

Dispela kot bilong Lindy Chamberlain long Darwin Noten Teritori, Australia, i kamap inap long 7-pela wok olgeta. Na long Fraide, 29, Okotba, jas husat i go pas long kot, Mista Jastis Muirhead, i bin tokaut olsem Misis Chamberlain i kilim pikinini bilong em. Na em i mas go kalabus inap em i dai.

Lindy na man bilong em Michael Chamberlain husat i gat 38 krismas, i bin tokim kot olgeta taim olsem wanpela dingo i bin karim pikinini bilong tupela, Azaria, i go na kaikaim long taim em i slip insait long sel-haus long ples ol i go malolo i stap long en long Ayers Rock, long mun Ogas, 1980.

Michael Chamberlain i wanpela pasto bilong SDA Misis. Na meri bilong em Lindy nau i gat bel gen long namba 4 pikinini bilong ol. Na baim em i karim pikinini long Novemba 11.

Long 2 klok apinun wanpela lain pipel ol i kolim juri i bin sindaun long dispela 7-pela wik i skelim olgeta toktok na ol i go insait long kot rum. Na Jastis Muirhead i askim man i go pas long juri long tokaut long tingting bilong ol.

Poman i tok, "Alice

Lyn Chamberlain i kilim pikinini bilong em." Na long 8.30 long nait ol i pinisim nau kot bilong Chamberlain.

Jastis Muirhead i tokim Lindy Chamberlain, "I gat wanpela mekim save tasol mi ken givim i go long yu. Na dispela mekim save em olsem, yu bai i stap long kalabus inap long taim yu indai."

Taim man bilong em Michael, i harim dispela tok bilong jas, em i putim het bilong em i go daun na em i stat long kraik.

Ol plis i wok long painim bodi bilong Azaria, tasol i no bin inap tru long painim. Insait long ol dispela 7-pela wik kot i painim olsem mama bilong Azaria, Lindy Chamberlain i bin katim nek bilong Azaria long fran sia long ka bilong ol yet.

Tasol ol i tok dingo i bin karim i go na kaikaim. Na ol i no bin painim bodi bilong Azaria inap long taim wanpela turis i bin i go long hap na painim sampela klos Azaria i bin putim, long sampela kilomita longwe long hap we Chamberlain famili i kisim malolo i stap.

Turis ya i bin painim klos bilong liklik pikinini sampela de bihain long ol i tokaut olsem dingo i kilim Azaria. Na taim plis i no inap painim bodi, wanpela kain kot ol kolim Koranas kot i bin tokaut olsem i tru dingo i bin kaikaim Azaria.

Tasol bihain, wanpela saveman tu bilong Englan i painimaut long ol klos bilong Azaria olsem han bilong man yet i mas kilim pikinini. Na bihain long dispela bikpela Suprim kot tru i stat gen long painimaut as bilong indai bilong Azaria Chamberlain. Na long 27 minit i go painim 9 klok Fraide nait 29 Oktoba bikpela dua bilong Berrimah haus kalabus i go pas wantaim ol ai wara bilong Lindy Chamberlain.

Na nupela laip bilong Lindy Chamberlain bai insait long wanpela rum long haus kalabus. Brait bilong en na longpela bilong en inap long 4-pela mita tasol. Tasol em bai i go long bikpela haus sik long Darwin long Karim namba 4 pikinini i stap long bel nau.

Na long asples bilong ol Chamberlain, papa bilong Michael, Ivan, i stap long Ellesmere klostu long biktaun Christ Church, Nu Silan i

tokim ol niusman olsem "Pikinini bilong mi wantaim meri bilong en i tok tru olsem ol i no kilim Azaria.

"Mipela bilip tru olsem wel dog, dingo i bin kisim pikinini i go na kaikaim. Na tok ol bikman bilong gavman i askim em pinis long i no mekim moa toktok long dispela kot i wok long kamap.

Taim jas i givim laspela toktok olsem Lindy Chamberlain bai i stap long kalabus inap long taim em indai, kot haus i pulap long manmeri i no gat toktok stret. Na ples i luk olsem olgeta i kisim lektrik sok stret.

Nau long dispela taim Lindy Chamberlain i wok long redi long karim nupela pikinini gen nau em i gat bel inap 8-pela mun nau. Pasto bilong SDA Misis long Darwin Pasto Olson i bin i stap 15 minit insait long bikpela haus kalabus Lindy i stap long en na i wok long beten long las wiken.

Pasta Olson i tok, Mista Chamberlain i no bin tokaut yet long wanem samting bai em mekim long dispela mekim save, meri bilong em i kisim. Tasol i luk olsem em bai apil, o traim gen narapela taim long kot long dispela mekim save bilong meri bilong, Misis Chamberlain.

Pasta Olson i tok, "Mi ting em (Lindy) i save olsem i nogat wanpela samting em i ken mekim nau. Na i traim long i stap gut ol taim. Haus kalabus em i stap i gutpela na em i amamas long liklik rum kalabus bilong em."

Nau long dispela taim em i laik painim klos long nupela pikinini bilong em na mekim olgeta samting i stap klostu long em insait long haus kalabus na tingting bilong em i stap stret. Ol klos bilong pikinini bilong em bai i kam yet long taun bilong en Coorabong klostu long Nu Kastal long Australia yet.

Nau Lindy i wari long lukim tupela pikinini man bilong em. Em i no bin lukim inap 8 wik olgeta na nau em i stap long kalabus. Na bikpela haus kalabus em i stap long en i bin op long lukautim ol kalabusman meri long 1979 na i gat rum bilong kisim 150 wantaim 10-pela meri tasol nau i gat 131 kalabus manmeri i stap. Na mak bilong i stap insait long dispela kalabus i save go inap long 5-pela ya.

Morobe So - Poto Stori

Poto - Sate Metta



Ol yangpela i raun liklik long Morobe So. Yumi no save gut. Ating ol i tromoi huk long baksait. Kain pasin ol sampela i save kolim, "Inlan fising."




Baga ya. Kauboi bilong Amerika o..... Manki ya i traim sindaun antap long baksait bilong bulmakau. Wet liklik i no long taim bai em i pundaun long das.



Em ol lain kandre stret. I nogat tok long dispela, save i stap long yupela. Givim moa yet, bai paia i kirap long ples bilong singsing.



Aiyo.....Sori.....o... Plis tupela putim mi long namel ya. Tupela yangpela i hatim singsing i stap.



Sir Tore Lokoloko na meri bilong em, tupela i lukluk long singsing bilong ol manmeri long ples.



PNG i gat planti kain stail singsing. Dispela em wampela kain singsing bilong holim han na mekim save long sait. Tupela mama ya i givim stret. Taim bilong ol.



Em Bun tru bilong ol pipel bilong Siasi. Singsing Sia. Na ol Morobe pipel i putim kamap long Morobe So long Oktoba 30 na 31.



Tru a? Em pasin bilong win long soka gren painal? Kapsaitim dring long kap tropi na dringim long amamasim de bilong winim gren painal. Menesa bilong Sunam Soka Klap, Wep Kanawi, i kapsaitim dring i go insait long kap em Sogeri U19 i bin winim, taim ol i autim Sunam 3—1.



Bikpela fulbek bilong Guria, Andrew Waho (fran raithan) i amamas long soim sil na tropi ol i winim pinis long ol Yunivesiti. Andrew em i fulbek bilong PNG Nesenel tim.



Grace bilong Rapatona i taitim bun na redi tru long stapim bal long go long mak bilong em. Ating yu no klia olsem Grace em meri ya. Siot tu i slek na yu i no inap long luk save gut long em.

Wantok
Spot
Namba 82 - 6 Novemba, 1982.



Yunivesiti, strongpela A gret tim bilong Mosbi. Ol i lus pinis long Guria. Kosa bilong ol Stallin Jawa i sanap long beksait, namba tu long han sut. Ol i wari long pinis bilong gren painal long wanem, Yunivesiti i bin king bilong soka long Mosbi i kam inap 1982.



Sogeri Nesenel Hai Skul bilong ol junia i winim sil taim ol i pilaim Sunam long gren painal long stedium.

Poto - Donaldson Muraba

Difens Primia Sempion Long Wewak

Soka

OL soldia bilong PNG Difens Fos i gat nem long pilai soka tu ya. Dispela Primia Divisen tim i bin soim kain pilai bilong ol wantaim Tarangau long Independens Oval long Wewak. I gat 6-pela tim olgeta bilong Wewak Soka Asosiesen i kamap long gren painal long dispela ples pilai long las Sarere, Oktoba 30, 1982.

Pastaim tupela U19 tim bilong Difens na Guria i traim bun. Moa long 3,000 manmeri i bin kamap na lukluk long dispela pilai bilong ol. Tupela tim wantaim i soim ol dispela manmeri long planti smatpela stail bilong pilai.

Long haptaim Guria i gat 1 gol na Difens 0. Tupela tim i go insait long seken hap na ol pilaia bilong Guria i

kirapim das na karamapim Difens. Ol fowat bilong Guria i go putim narapela 2 gol gen.

Taim pilai laik pinis ol Difens i putim wanpela gol tasol. Skoa i sanap olsem Guria 3 Difens 1. Em i orait, Difens! Traim gen neks yia.

Namba tu gem i kamap namel long 1st Divisen tim bilong Sunam na Posinu. Dispela gem bilong ol i hatpela gem tru. Tupela tim i no givim sans long narapela i putim gol na win hairap. Nogat tru.

Liklik taim bihain long namba wan hap, Sunam i brukim kiau pastaim na winim Posinu 1-0. Tasol bihain gen Posinu i bekim dinau na tupela tim i sanap 1-1. Ol i kisim malolo long haptaim na hatim pilai gen. Orait. Sunam i strong moa yet na i go putim namba tu gol.

Ol pilaia bilong Posinu i no wari. Ol i spetim liklik mauswara long lek na bekim dispela gol. Taim

reperi i winim wisel long fultaim stret, tupela tim i gat 2-2. Oli senisim ples na pilai long narapela 10 minit. Na bihain ol i kirapim das gen long las 10 minit. Tasol i nogat wanpela gol tru i kamap long dispela taim.

Orait. I nogat tok. Tupela tim i makim 5-pela pilaia bilong ol yet long kisim 5 penalti kik nau. Oloboi! Sunam i brukim 5-pela kiau olgeta. Posinu i pairapim umben foapela taim tasol. Em nau. Sunam i winim Posinu 5-4.

Las gem bilong dispela apinun i kamap nau. Willie Seph! Willie Seph! Willie Seph! Ol manmeri i paitim han long Tarangau Primia tim. Willie Sepha i go pas long ol na sanap long ples pilai. Ol pilaia bilong Difens i go insait na pilai stat.

Tarangau i no ranim bal hairap i go i kam. Willie Seph i tokim ol pilaia bilong em long mekim stail bilong pilai mabel. Tasol Difens i

lap tasol na givim siksti. Ol i mekim save long bal na krungutim eria bilong Tarangau klostu klostu.

I no longpela taim bihain, Difens i brukim net bilong Tarangau namba wan taim. Liklik taim bihain net i bruk namba tu taim. Difens i go pas 2-0 nau.

Ol i go insait long seken hap gen na net bilong Tarangau i bruk namba tri taim. Olo-man!! Wara Sepikiran o win i kirap long Moem Barek? Kaman Willie Seph. Skru i lus o wanem? Tasol Difens i no kaunim kain pilai trik bilong Willie. Ol i kisim bal i go brukim daun net bilong Tarangau olgeta. Ol gol pos i

wok long sanap nating. Em nau na Difens i gat 4 gol na Tarangau 0.

Ol sodlia i no man nating, laka? Yes ya! Difens i kamap 1982 King bilong Wewak Soka. Bihain long dispela pilai, ol bikman bilong Wewak Soka Asosiesen i tilim ol tropi na sil i go long ol tim.

Nau yumi olgeta i save. Guria i kamap King long Mosbi Soka long 1982. Buresong i sanap long Lae na Momase i gat nem long Rabaul. Orait. Difens i holim taitel long Wewak. Inap bai ol dispela Sempion tim i traim bun bihain na painimaut husati PNG Soka King o olsem wanem?

Madang Ragbi Ripot



Olpela sempion bilong Madang Brothers, tasol nau Sauts i autim ol.

SAUT A gret ragbi tim bilong Madang i win pinis long gren painal taim ol i pilai egensim Brothers tim. Anda 19 tim bilong Brothers i winim Tarakum long gren painal, na long B gret, Panthers i autim tiket bilong Tiger. Dispela ol pilai i kamap long Oktoba 24, long Ron Albert pilai graun long Madang.

Em i longpela stori tru ya. Tasol sapos yu laik katim sot yu ken tok olsem Saut tim long Madang i wanpela strongpela tim tru.

Tru, Madang Brothers A gret tim i no bin go long gren painal long 1981 tasol ol i bin stap olsem king bilong ragbi long Madang long planti yia bipo.

Long dispela taim olsem nau planti ol nupela tim na nupela strongpela pilaia wantaim hatpela blut i kamapim gutpela stendet bilong dispela gem na ol i winim Brothers. Las yia, 1981, Tarakum i kamap ragbi primia bilong Madang. Nau Saut i win.

Long Oktoba 17, semi painal bilong ragbi long Madang i stat. Tasol kwata painal i bin stat long Oktoba 9. Tarakum U19 (29) i pilai egensim Brothers (3). Brothers U19 (8) i pilaim gen Rimapau (5). Brothers i go stret long gren painal.

Long B gret Brothers i pilai wantaim Tarakum long Oktoba 9 na Panthers i pilai wantaim Tigers. Tigers i go stret long gren painal. Panthers i pilai egensim Tigers gen

long 24 Oktoba long gren painal na Panthers i win.

Long divisen bilong A gret, Panthers i pilai wantaim Sauts long 9 Oktoba na Sauts i win 13-2. Brothers i pilai egensim Tarakum na Brothers i win, 44-17. Brothers i go stret long gren painal tasol ol i lus long Sauts.

Sauts A gret i king bilong Madang ragbi lig long 1982.

Long semi painal na tu long gren painal, ol plis i sambai long ausait na insait long Ron Albert ragbi lig graun. Ol i karim ol smok bom na sambai i stap. Planti pipel tru i bin kamap long was long tupela gem wantaim. Long olgeta hap yu lukim ol sapota bilong ol wan wan tim i sambai i stap.

Long U19 tim ol Brothers i gat ol gutpela winga na ol i helpim tim bilong ol long win. Bekap bilong ol pilaia bilong Brothers i gut, olsem na Brothers i winim Tarakum. Ol Panthers i win long timwok, na strongpela tingting long pilai gut na winim gren painal.

Planti, manmeri long Madang i ting olsem Brothers bai winim dispela gren painal. Long wanem, ol i stap antap long A gret lata bilong Madang. Na tu, ol i gat Kumul pilaia, Gabriel Kuk na top winga long Madang, Sira Penny. Tasol ol i lus long Sauts. Sauts i gat draipela fowat olsem Kanna Koi na Ora. Pukari Ovasuru, em tu i hapman bilong ragbi ya.

PNG Redi Long Osienia Tunamen

PNGFA i tokaut pinis long nem bilong ol sok apilaia long Junia Osienia Gem long Mosbi. Dispela pilai bai kamap long Desemba 3 i go inap long 12.

Dispela em i namba tri taim bilong PNG long pilai long Osienia Tunamen. Namba wan taim PNG i bin go daun long Nu Silan long 1979. Namba tu taim ol i bin go long Fiji long 1981 na nau bai ol i pilai long PNG

Mani bilong lukautim ol narapela kantri husat bai kam long PNG, na redim ol samting bilong dispela gem bai kam yet long PNGFA. PNGFA i bungim mani inap long lukautim 7-pela arapela kantri olgeta. Long wanem, pastaim tru, Vanuatu, Solomon Ailan, Nu Kaledonia na Tahiti, i tok long kam long PNG na pilai. Nau i luk olsem ol bai no ken kamap long PNG. Ol i tok, ol i sot long mani long kam antap. Na Fiji, Australia na Nu Silan tasol bai kamap.

Ol i bin makim ol

pilaia bihain long U19 Yut Sempionsip long Lae long Septemba 25 na 26. Mosbi i gat 8-pela pilaia long tim bilong Oseania, Lae 6, Rabaul 2 na Arawa 2.

Em hia nem bilong ol dispela pilaia:

Joe Zenem (Rabaul), George Hatsiri (Arawa), Stephen Banono (Arawa), Komok Jem (Lae), Loring Wagi (Lae), Martin Laviong (Lae), Henry Kabaka (Lae), Andrew Ng'nan' (Lae), Paul Igag (Lae), Bruce Vere (Mosbi), Jack Patterson (Mosbi), Geoff Emang (Mosbi) Michael Gomja (Mosbi) John Sirigoi (Mosbi), Lucas Baxo (Mosbi), donai Buai (Mosbi), Williy Bere (Mosbi) na Thomas Areng (Rabaul).

I gat 4-pela manki i sambai tasol, Buka, Waiwai, Hemas na Nang'ol.

Long las tupela gem PNG i bin pilai long en, ol i no bin winim wanpela gem. Tasol nau ol i ting PNG i gat gutpela tim na bai yumi wet tasol long harim husat tru i win.

John Peka bai lukautim tim tim ya olsem kosa. Namba tu kosa bilong PNG tim em Gerald Kalo. Na menesa em Thomas Bullen. Long fes gem bilong PNG long Oseania tunamen, Andrew Seward i stap olsem kosa bilong PNG tim. Long namba tu gem bilong dispela tunamen, John Peka i kosa na nau tu, John i stap yet olsem kosa bilong PNG tim.

PHANTOM
COMIC

Pantom i traim hat tru long painim Diana. Long taim Pantom i wok long painim Diana, em i bungim wanpela naispela, switpela, yangpela meri bilong Amerika. Dispela meri tu em wanpela lida bilong pairat geng bilong ol meri. Ridim Pantom Komik namba 746 na painimaut moa. Bai Pantom i manglaim dispela nupela switpela meri na lusim tingting long gel pren bilong em Diana? Diana tu, nau em i stap long bik solwara stret. Bai Pantom i go sevim em?

NO 746

TOYOTA COASTER THE BETTER BUS FOR BUSINESS

FRONT DISC BRAKES	YES	✓
EXHAUST BRAKE	YES	✓
INDEPENDENT FRONT SUSPENSION	YES	✓
SNORKEL AIR CLEANER	YES	✓
BIGGER FUEL TANK	YES	✓
BIGGER ENGINE	YES	✓
TINTED GLASS	YES	✓
THE BETTER BUS FOR BUSINESS	YES	✓



CHECK US OUT

When you're in business you need a bus that means business.

I've been a PMV owner for the past 10 years. driving is my life! And when it comes to choosing a vehicle, there's only one choice. the all new TOYOTA COASTER.

Believe me, the only reason I'd change my old Coaster is for the all NEW TOYOTA COASTER. It has all the answers to comfortable, reliable worry free motoring and *that's* important when your livelihood depends on it.

What this means to me is even less chance of stoppages or breakdowns than my old Coaster and that's FANTASTIC!

I can take my passengers anywhere they want to go . . . well almost anywhere. Believe me, the all NEW TOYOTA COASTER and I, we get around, see you.



We're the One! Ela Motors, the people with Wheels for the Nation, with the new Toyota Coaster. Call in for a test drive today.

ELA MOTORS TOYOTA

WHEELS FOR THE NATION

PORT MORESBY	21 7036	LAE	42 2322
MT. HAGEN	52 1888	RABAUL	92 1988
KIETA	95 6083	MADANG	82 2188
WEWAK	86 2255	KIMBE	93 5115
POPONDETTA	29 7240	GOROKA	72 1844
KAVIENG	94 2132		

GS3114

THE ANSWER IS YES!

A MEMBER OF THE Burns Philp AUTOMOTIVE DIVISION

Wantok Spot Posta

DAINO SAMI



NEM: Daino Sami.
TIM: Bure song, Lae.
KRISMAS: 21.
LONGPELA: 5-fut, 5-inse.
HEVI: 57 kilogram.
REKOT: Makim PNG Ailan long 1978, Long 1979 makim PNG long Suva, Fiji. Na 1981, pilai long Honiara long Mini Saut Pasifik Gems.
LAIKIM TRU: Musik.
I NO LAIKIM TRU: OI man i spak pinis na raunraun long rot nabaut.
PILAI A EM I LAIKIM TRU: Joe Turia (Yuni tim).
HATPELA PILAI: Egen-sim Mopi tim long Lae, 1976.
STAT LONG PILAI SOKA: 1975.
TOK SAVE: Yupela ol yangpela Soka Pilata: Tren hat na harim gut toktok bilong Kosa bilong yupela. Traim long stapim smok na dring sapos yupela i save mekim dispela ol samting.

Guria Krungutim Yuni Long Gren Painal

GURIA i tekewe biknem bilong Yuni long Mosbi Soka Gren Painal long Sande, Oktoba 31, 1982. Pas-taim long taim dispela pilai i stat, kosa bilong tupela tim i bin givim sampela toktok long Wantok Niuspepa.

Ben Wauns

Kosa bilong Guria. Adolf Hannasbey i tok. "Mipela i gat gutpela sans long winim dispela pilai. Em i tru olsem ol pilaia bilong Yuni i save long kain stail o trik bilong pilai soka. Tasol ol pilaia bilong mi i klia pinis long planti stail tu. Na mi gat strong-pela bilip olsem ol lain bilong mi bai winim dispela gem. Mi i no inap mekim tok baksait o daunim poin bilong Yuni. Nogat. Ol i gat planti gutpela pilaia olsem Joe Turia, Jasper Patterson, Joe Saliu, Madiu Andrew, Golkipa Moses Murray na planti arapela man.

"Ol i save pilai smat tru, tasol dispela tim bilong Yuni nau i no olsem tim bilong las yia. Insait long tripela wiken bipo, Guria i bin winim tripela arapela tim na putim planti gol long ol. Ol pilaia bilong

Guria i mekim promis long win na olgeta man husat i pilai nau bai traim long mekim promis bilong ol i kamap tru."

Mista Hannasbey i mekim dispela toktok pinis na em i ran i go joinim ol pilaia bilong em a ol kameraman i kisim poto bilong ol. Na bihain kosa bilong Yuni, Stalin Jawa i tokaut long tingting bilong em. Em i tok, "Dispela gren painal gem bilong Yuni na Guria bai wanpela hatpela pilai tru.

"Mi yet bai sambai olsem risev pilaia. Na mi ting Yuni i gat gutpela sans long winim dispela gem. Mipela i bin winim planti gem i kam inap long tude. Nau i nogat planti man husat i gat biknem long pilai soka i stap long Yuni tim. Tasol mipela i soim ol manmeri planti taim olsem mipela i ken win yet.

"Planti manmeri i mekim planti toktok olsem ol pilaia bilong Yuni nau i no save pilai gut olsem ol pilaia bilong las yia. Tasol ol dispela kain tok win i no daunim tingting bilong ol pilaia. Em i tru olsem ol nupela pes bilong planti yangpela pilaia i pulap nau long Yuni tim. Tasol ol dispela yangpela man i save tru long we bilong pilai.

"Mi tok pinis olsem dispela gem tude i wanpela hatpela gem tru. Tupela tim i gat wankain strong na ol pilaia i save long olgeta samting ol bai mekim insait long ples pilai. Tupela tim i tingting long win tasol. Na bai mi tok olsem, wanem tim i moa yet bai winim dispela gren painal."

Stalin Jawa i pinisim toktok bilong em na i go stretim sampela samting wantaim ol pilaia bilong em. Ol lain bilong Yuni i pilai pilai wantaim bal long hap sait na Guria i kisim ples long hap sait tru. Reperi Moule wantaim tupela lainsman, K. Karabou na Paul Warap i wokabaut i go insait long namel bilong ples pilaia. Primia bilong Galp Provins, Mista Sepoe Karava i wokabaut wantaim ol i go insait tu. Ol pilaia bilong tupela tim i kisim ples pinis na Mista Karava i kik-of stret long 25 minit pas 3 long apinun.

Samting olsem 1,500 manmeri i bin go insait long get na lukim pilai long Sarer Oktoba 30, 1982.

Moa long 2,500 manmeri i bin kamap long Hubet Mari Stadium long lukim pilai. Tarangu sampela pilaia wantaim ol sapota i no lotu na ol go long ples pilai long 8



Paul Ananias bilong Guria i laik bagarapim Peter Werei bilong Yunivesiti. Maski tromoi lek nating, sil em samting nating. Plis, yu mas tingim skin bilong yu olsem namba wan samting.

klok moning yet long Sande, Oktoba 31.

Em nau. Taim pilai i stat, ol sapota i singaut, Yuni! Yuni! Yuni! Tasol ol Yuni i no kisim bal. Ol fowat bilong Guria i kisim bal na karim hariap i go klostu long Moses Murray, husat i sanap Golkipa bilong Yuni. Michael Tiran, Simon Emmanuel, Paul Ananias na Ludwig Kiro-mat i sanap fowatlain bilong Guria.

Michael Tiran i salim bal i go long Simon Emmanuel na bal i siksti i go long mak. Oloboi! Klostu namba wan gol bilong Guria i kamap 2 minit tasol bihain long taim pilai i stat. Bal i kam long hap eria bilong Guria na ol fulbek i kikim i go long midfil na i go gen long ol fowat. Paul Ananias i kikim bal i go long Simon Emmanuel. Na Simon i salim stret i go long Michael Tiran husat i sanap 5 mita tasol long we long Golkipa bilong Yuni. Bal i pairap na Golkipa i pasim ai. Namba wan gol bilong Guria!

Ol sapota i no isi isi long kalap kalap na singaut. Wanpela

yangpela meri i singaut long tok Inglis olsem, "Yessss! Guria, mi mangalim yu stret." Kosa bilong Yuni, Stalin Jawa i sindaun long saitlain na singaut i go long ol pilaia bilong em long pilai isi isi tasol. Ol pilaia bilong Yuni tu i no wari na slek hariap. Nogat. Jasper Patterson, wanpela top straika bilong Yuni i sanap long midfil na salim bal i go long Madiu Andrew long rait wing. Madiu i ran i go abrusim ol fulbek bilong Guria na traim mak. Tasol bal i popaia. Jasper Patterson i gat narapela gutpela sans long putim gol tasol bal i pas long pos na Guria Golkipa, Adam Wangu i kalap na holim pasim bal.

Andrew Waho, Andrew Kori na George Badley bilong Guria i sanap fulbek bilong Guria na maritim ol fowat bilong Yuni gut tru. Tarangu Jasper Patterson, Joe Saliu, Andrew Donai na Buai bilong Yuni i trai hat tru long bekim gol. Tasol beklain bilong Guria i strong moa. Tupela tim i no bin mekim planti smatpela

stail bilong pilai.

Wisel bilong Reperi Ley i wok long krai hariap hariap long wanem ol pilaia i wok long kikim bun na kikim bal nabaut. Bal i go daun long hap bilong Guria na i kam i go antap long eria bilong Yuni. Sapos ol fowat bilong tupela tim i no seksek na Guria nabaut, ol inap long putim planti gol isi tru. Ol i wok long salim bal i go i kam inap long haptaim.

Skoa i sanap yet olsem Guria i na Yuni i trai hat yet. Ol i go insait long seken hap gen na Yuni i kisim bal i go long eria bilong Guria. Jasper Patterson i givim wanpela bulet sut i go long mak bilong John Tekwie na George Badley bilong Guria i paitim bal i go ausait.

Jasper i kisim kona kik na bal i pundaun klostu long gol mak bilong Yuni. Tupela yangpela straika bilong Yuni, Donai na Koali Papi i resis long hetim bal. Koali i makim bal stret na subim het long bal i go pairapim net. Hureeehhh! Kas bilong Koali. Em i bekim gol pinis.

Ol pilaia bilong Yuni i amamas tru na ol i ran i go kalap kalap na sekan long Koali Papi. Ol sapota i singaut na paitim han, singaut na hamaim kapa! Nek bilong ol i antap moa yet winim ol toktok i kamap long laut-spika. Yau bilong yu bai pas, sapos yu sanap klostu na i no pasim gut yau wantaim kapok.

Taim bilong Yuni nau. Ol i wok long kisim bal i go antap long eria bilong Guria. Tasol Andrew Waho wantaim George Badley i wok long rausim i kam bek long namel. Dispela tupela man i longpela tru na i save hetim bal long antap. Taim bal i ran long graun, oli save banisim bal na kikim wantaim longpela lek bilong ol i go ausait. Bal i kirap long hap bilong Guria na i go gen long eria bilong Yuni. Joe Turia, Alan Dindillo na Gabriel Pise i sanap fulbek bilong Yuni na i wok hat tru long banisim spes bilong ol fowat bilong Guria. Tasol bal i abrus long han bilong goli, Moses Murray na i go ausait. Bal i flai long kona i go moa long pes 7



Lukim, tupela tim wantaim i strong tru na nogat wanpela taim reperi i malolo long winim wisel. Planti man i ting olsem, sapos gem i rap liklik, dispela gem i sampela gem.



Guria tim bilong Mosbi. Ol i kamap Primia bilong Mosbi taim ol i winim olpela primia bilong Mosbi. Yunivesiti. Kosa bilong Guria i sanap long sait, han sut. Alolf Hannasbey.

Rapatona I Rapim Waliya

RAPATONA wanpela nupela tim long primia divisen i autim Waliya, 2-1 na winim sil bilong Mosbi Wimens Soka long gren pinal.

De em Sande Oktoba 31, na klostu tru han bilong klok i laik go pas long 11 klok moning. Posman Kisakui, kosa bilong Rapatona Wimens Primia tim i wok long givim ol las toktok long ol pilaia bilong tim bilong em, "Wanem samting i kamap long dispela gem, no ken givap,

pilai hat inap gem i pinis."

Posman i save olsem Waliya dispela taim ol bai pilai wantaim ya i no tim nating. Las yia ol Waliya i bin kamap primia bilong soka tim bilong ol meri long Mosbi. Na oltaim ol i save pilai strong tru na i stap long antap bilong lata bilong wimens primia tim.

Posman i lukluk i go long hap ples ol Waliya Wimens tim i sanap redi long pilai na em i tok isi tasol, "Dispela gem bai i hatpela gem tru ya." Em i tanim long ripota bilong

Wantok na em i tok, "Mi no inap long tok wanem tim tru bai winim primia kap bilong Mosbi Wimens Tim."

"Sampela kosa i save tok ol bai win long taim pilai i no stat yet. Tasol mi tok dispela gem i bilong tupela tim wantaim. Ol meri long tim bilong mi i amamas tru long sambai nau long pilai long gren pinal. Na mipela i no inap wari tumas sapos mipela i lus."

Rapatona Wimens tim i wanpela nupela tim tru em ol i kirapim tasol long 1982. Na

long 1982 tasol Rapatona i go insait long gren pinal. Kosa Posman Kisakui i tok, "Tim i nupela, tasol ol pilaia i no nupela. Sampela bilong ol i save pilai las yia long Sunam, Yuni na Woks na Saplai tim."

Tim bilong Waliya tu i sanap redi tasol long pilai nau na Kosa bilong ol, Damela Tuwi na Martin Horner i wok long mekim ol las toktok i go long pilaia bilong em. Oli tokim ripota bilong Wantok niuspepa olsem, "Mipela bai winim dispela gem. Mipela i bin winim Mosbi primiasip las yia. Tasol nau tim bilong mipela i no strong tumas olsem las yia tim."

Planti ol smatpela meri pilaia bilong Waliya i lusim tim bilong Waliya pinis long wanem ol i gat bel na i no bin pilai o kamap long praktis. Nau ol gutpela pilaia bilong Waliya em straika bilong ol Wadobani, Ibo Palo na Julie Bibi. Dedayato tu i save pilai gut.

Kosa bilong Rapatona, Posman i tok olsem, em i save pretim dispela straika bilong Waliya, Wadobani. "Dispela meri i save pilai olsem man na ol kik bilong em i gutpela na strong. Sapos ol fulbek bilong Rapatona i no makim em gut bai Waliya i winim primiasip bilong 1982."

Wadobani em i namba wan straika meri bilong PNG na meri husat i kamap



Martha Keleb bilong Rapatona i trik trik na paulim straika bilong Waliya, Wado na narapela pilaia bilong em.

namba tu long em, em Rapatona straika, Bospidik Pilokos. Dispela namba tu straika bilong Rapatona Nerisa Marum, em tu i gutpela straika bilong ol wimens tim. Long Sande Nerisa i bin putim namba tu gol bilong Rapatona. Na Rapatona i winim Mosbi Primiasip long 2-1.

Kosa bilong Waliya, Damela Tuwi i tok, "Mipela bin gat wanpela wik, em long las wik, long praktis. Mipela i praktis long 3-pela nait na ol praktis i hat. Na ol meri yet tu i save praktis wantaim ol man."

Orait long 11 klok long moning nau,

Misis Ikanau Manoi i statim gem. Em i reperi. Namb wan 20 minit pilai i slek liklik, klostu long pinis bilong namba wan hap, pilai i go rap pinis. Long namba tu hap, fes gol i kam stret long namba wan straika bilong Rapatona, Bospidik Pilokos. Em i putim bal antap stret long het bilong goli bilong Waliya. Na Rapatona i go pas 1-0.

Ten minit bihain long gol bilong Bospidik, Nerisa Marum, narapela straika bilong Rapatona yet i subim gen narapela gol. Na Rapatona 2, Waliya 0 yet. Nau i gat 5-pela minit tasol i stap bilong gem i pinis na wanpela

straika bilong Waliya, Uwato Ema, i putim wanpela gol bilong Waliya. Skoa long pinis bilong em Rapatona 2 Waliya 1.

Rapatona i kisim sil bilong makim ol olsem Wimens Soka Primia tim bilong 1982. Ol i sanap nau olsem Maina Primia. Ol i sempion bilong 1982. Waliya i kisim tropi na sanap olsem namba tu sempion.

Presiden bilong PNG Futbol Asoesien PNL Japhlom i tok samting olsem 4 tausen manmeri i kamap long lukluk long dispela gren pinal gem long Sande 31 de bilong Oktoba long Sir Hubet Mari Stadium.

• Benny Bogg



Namba wan meri straika bilong PNG, Wadobani bilong Waliya i kalap wantaim ol Rapatona. Rapatona i winim dispela gren pinal soka gem.

i kam long pes 6

na Francis Wabianik bilong Guria i kikim isi tasol na tarangu Moses i tulet long kalap. Em nau. Guria i go pas 2-1.

Kosa bilong Guria, Adolf Hannasbey i singaut na amamas tru i stap long sailtain.

Dispela gol i kamap 22 minit bihain long haptaim. Na long wan minit tasol bihain reperi i givim penalti kik long Guria. Long wanem wanpela fulbek bilong Yuni i paitim bal long han. Simon Emmanuel i kikim bal i go arere na planti sapota i singaut, "Sem on yu, Simon."

Ol pilaia bilong Yuni i no givap yet. Ol i ranim bal gen i go antap long gol eria bilong Guria. Jasper i kikim bal i go long Donai na bal i ran i go stret long Joe Saliu. Joe i taitim bun na swingim bal i go long mak. Golkipa bilong

Guria i kalap tulet na bal i slip pinis long umben. Joe Saliu i kaikai tit na mekim kain danis bilong ol tumbuna bilong em klostu long ai bilong Guria pilaia.

Long dispela taim i gat 20 minit tasol i stap yet long pilai i pinis. Skoa i sanap 2-2 nau ol pilaia i laik resis long putim wining gol. Gabriel Pise, Joe Turia na Alan Dindillo bilong Yuni i strongim beklain bilong Yuni.

Andrew Waho, George Badley na Andrew Kori i mekim wankain pasin long hap bilong Guria. Bal i go antap na i kam daun gen. Tasol ol pilaia bilong Yuni i wok long salim bal wantaim ol fowat i go daun long mak bilong Guria. Joe Saliu i rap winim ol fulbek bilong Guria i go putim namba tri gol bilong Yuni. Gol i kamap pinis tasol lainsman i tromoi plak

na i tokim reperi olsem Joe Saliu i opsait. Sori tumas. Ol sapota na sampela pilaia i no amamas trumas. Ating dispela samting tasol i mekim na planti pilaia bilong Yuni i slek liklik o yumi no save.

Bun i pairap klostu klostu na reperi i bin soim yelopela kat long tripela pilaia olgeta insait long dispela gem. Ol fowat bilong Guria i givim siksti na kisim bal i go long hap bilong Yuni. Andrew Kori bilong Guria i lusim posisen bilong em na givim hatwan wantaim bal long rait wing i go. Em i abrusim midfil bilong Yuni pinis na katim bal i go long Simon Emmanuel long senta. Simon i taitim bun na hamaim bal i go long sait. Moses Murray i ran i kam ausait long rausim bal tasol tulet. Gol i kamap pinis. Guria i gat 3 gol nau na Yuni i gat 2-pela gol yet.

Tarangu Jasper i toktok na hatim ol Yuni Pilaia long stiaim bal gut na i go bekim gol. Koali Papi na Donai, tupela yangpela U19 pilaia bilong Yuni tasol ol i pilai gut tru na i wok long givim gutpela bal stret long Jasper na Joe Saliu. Planti gutpela sans bilong Yuni i kamap long gol eria bilong Guria, tasol ol i save kikim bal i go antap long skai. Na planti taim Donai i salim gutpela bal long Joe Saliu na Jasper. Ol dispela bal i pundaun klostu long Golkipa bilong Guria na ol Yuni fowat i no save lukluk gut na kik. Nogat tru.

Bun i pairap gen na reperi givim tok lukaut i go long ol pilaia bilong tupela tim wantaim. Ol sapota tu i singaut yet. Reperi i winim wisel long fultaim stret na ol pilaia bilong Guria i

singaut na kalap kalap i go i kam. Ol sapota bilong tupela tim wantaim i kalapim banis na ran i go insait long ples pilai. Planti man na meri wantaim i go sanap raunim ol Guria pilaia na sekan long ol.

Presiden bilong Mosbi Soka Asoesien, Mista Pious Kerepia i givim bikpela sil i go long Guria. Ol i kamap sempion bilong 1982 nau. Yuni i bin sempion long tripela yia bipo i kam inap nau.

Ol sapota bilong Guria i gat bikpela amamas tru. Ol i opim planti botol wain na kapsaitim long ol pilaia. Tarangu ol Yuni stap isi tasol na sori tru long ol yet. Maski wari tumas, Yuni. Pilai soka i no inap pinis nau tasol. Wanpela tim i no inap win olgeta taim, laka?

Dispela pilai i pinis long 10 minit pas 5 na

ples i tudak liklik. Ol manmeri i go nabaut na kisim ka bilong ol i go long haus. Planti ol arapela manmeri i wokabaut i go painim PMV.

Planti man bai lusim tingting long dispela de. Tasol kosa na ol pilaia bilong Guria bai putim dispela de long tingting o hap pepa na larim i stap inap long taim ol ilapun. Tasol ol pilaia na sapota bilong Yuni i tok, "Yuni bai kamap sempion gen long 1983." Em i tok tru o mauswara tasol?

Gren pinal bilong olgeta kain pilai i save mekim planti pilaia o sapota i belsut nating. Sapos tim bilong yu i win, yu gat bikpela bel amamas. Na sapos tim bilong yu i lus, yu luk daun tru. Tasol em i pasin bilong pilai. Taim yu laki, yu win na yu lus, maksi, traim gen neks taim, laka?

SARERE OKTOBA 30

Gret Tim

5th Amayawah 1 - Lousiade 3
2nd Baba Utd - Ali Utd 0
3rd Faze 3 - Sunam 1
1st PNGDF 3 - Waliya 2

SANDE OKTOBA 31

4th Rapatona 3 - PNGDF 1
U19 Sogerl 3 - Sunam 1
Prim Yuni 2 - Guria 3
Meri Waliya 1 - Rapatona 2
Jun Mosbi U11 3 - Kor'sea U12 1

Hansa Be I No Inap Long Malangan

LAS pilai bilong A Risev Sofbal bilong ol meri, long Sarere 30 Oktoba i bin kamap namel long Hansa Be na Malangan.

Welete Wararu

Long las sisen Hansa Be tim i bin pilai long B gret. Na long dispela taim ol i bin winim moa long tripela gem. Olsem na long dispela sisen ol i putim ol i kam antap long A risev. Taim ol i bin stat pilai long A risev, ol i bin winim tupela gem, lus long wanpela na dro long wanpela. Tasol long las wiken Malangan i bin winim ol.

Malangan yet, i bin winim olgeta gem bilong ol long stat bilong sisen i kam inap

las wiken. Ating ol lain meri ya i sempion tru long pilai sofbal wantiam ol arapela A risev tim. Tasol sapos ol i traime wantaim ol A gret tim, bai ol inap o nogat? Husat i save? Kosa bilong Malangan tim, Pae Mesak, i tok, "Ol meri bilong tim ya i no gat laik long go antap pilai long A gret bikos bikpela laik bilong ol, em long pilai long A risev. Olsem na bai ol i stap tasol na pilai long A risev.

Long 4.30 stret tupela tim i go insait long pilai. Ol Hansa Be meri i putim blupela yunifom, na blak na yelo em kala bilong Malangan. Em nau Dorcas bilong Malangan i ran i kam antap long statim namba wan ining bilong Malangan. Meri ya i no lukluk gut na i apim bal

i go stret na Eva bilong Hansa Be i ketsim bal. Namba tu bata, Joen i ran i go sef long fes bes. Paula, namba tri bata i laik traime arapela hit, tasol em i apim i go stret long Diana bilong Hansa Be. Tasol Diana i no holim bal gut.

Na bal i lus long han bilong em na i pun-daun. Dispela rong bilong Hansa Be i bringim tupela pren bilong Paula i kam olgeta long hom bes. Na Paula yet i ran i go inap long namba 3 bes. Flora i paitim bal bihain long Paula tasol ketsa i holim gut bal bilong Flora, nau Paula i spit nogut tru i kam long hom bes. Long namba wan ining Malangan i bin stap 15 minit olgeta long paitim bal. Tasol long ol A gret tim yet, wanpela tim i no save



Sev'...Meri Gasel ya i kam hom pinis. Tarangu, Ol Bese sofbal tim i traime hat long autim em.



Lukaut ketsa, nogut pren ya i swingim bat i kam na autim pes bilong yu. Bese wantaim Gasel i hatim pilai i stap.

stap longpela taim olsem. Ol sempion tim tru i save stap 2 o 3 minit tasol na arapela tim i rausim ol i go daun bek long fil.

Long 4.48 stret Martha bilong Hansa Be i statim namba wan ining bilong ol. Pren ya i paitim wanpela naispela bal stret tasol em i no laik ran strong. Em i isi i stap na Rei bilong Malangan i kisim bal hariap na autim em. Elsie bilong Malangan i no ketsim bal gut na Eva i ran i go sanap long namba tu bes. Saep husat i bat bihain long Eva i ran i go sanap long bes wan. Tasol taim Tina i laik traime bat, em i paitim

bal i go stret long Dorcas bilong Malangan na Dorcas i autim em.

Tarangu Hansa Be i traime hat tru, tasol i luk olsem pitsa i givim ol kranksi bal liklik. Na ol pilaia bilong Hansa Be i gurua nabaut na i apim bal i go stret long ol pilaia bilong Malangan. Wokim i go i go na ol Malangan i autim ol bihain long 6 minit tasol.

Hansa Be i no bin skoim wanpela poin long dispela ining. Tupela tim ya i no bin pilai, i go inap long namba 7 ining olgeta. Long wanem, Hansa Be i no save autim hariap ol Malangan,

olsem na long dispela ining, i luk olsem, ol Malangan i save stap 30 o 20 minit. Na taim i wok long surik i go antap na ol i pinis pilai long namba 5 ining. Em nau Malangan i givim gut draipela kiau i go long Hansa Be.

Tru tumas, sapos yu no man bilong save gut long sofbal pilai, nogut yu longlong na ting olsem, ating planti meri tumas bilong pilai sofbal, olsem na ol i putim ol long 4-pela grup, A gret, A risev, B gret na C gret. Sapos yu wanpela man o meri i laik pilai sofbal, tim bilong yu bai stat pastaim long C gret. Taim ol tim pilai long

dispela gret ol i mas winim moa long tripela gem. Na sapos ol tim i winim moa long tripela gem bai komiti i putim ol i go antap long narapela gret. Olsem tasol i go inap ol tim i save gut tru long dispela pilai bai ol i kamap long A gret.

Nau ol tim husat i save pilai long A gret em ol sempion tim tasol. Long olgeta pilai bilong ol, ol i save pinisim 7-pela ining long taim stret. Tasol long ol arapela gret ol tim, ol i save isi tumas, olsem na sampela bilong ol i no save pinisim 7-pela ining stret na reperi i save stapim gem.

SOFTBAL DRO Meri

6 Novemba, 1982

TAIM TIM REPERI

Sentral Ampaia i mas makim ol bes ampaia.

A GRET — GRAUN 1

9.00	Kapits	V	Sankaro(JN)	R.Apana
10.30	United	V	Exels	R.Kassman
12.00	Demons	V	Kapits	M.Nialir
1.30	N.Datsun	V	M.Karps	A.Karo
3.00	Sankaro	V	Gasel	M.Kalas
4.30	Bese	V	Yokomo	J.Bampton

A RESEV — GRAUN 2

9.00	Kapentas	V	Hansa Be	M.Ludwig
10.30	Sankaro	V	BYE	
12.00	Manolos	V	Medics	M.Baik
1.30	Wantoks	V	Malangan	S.Kalar
3.00	Togelu	V	Yomba	R.Gabe
4.30	N.Datsun	V	Adcol	A.Kerepia

B GRET — GRAUN 3

9.00	N.Datsun	V	Kapits(JN)	M.Moang
10.30	Gasel	V	Togelu	T.Apana
12.00	Edukesen	V	Tarangau	M.Tako
1.30	United	V	Chebu	D.Bais
3.00	Kapits	V	Ali Utd	P.Mesak
4.30	Demons	V	D.Airways	N.Kamara

Mazda Karps BYE

C GRET — GRAUN 4

9.00	Bese	V	Insurens	J.Ka'gau
10.30	Yokomo	V	Hansa Be	C.Hopkin
12.00	Malangan	V	P & T	M.Karo
1.30	Yomba	V	Police	J.Matage
3.00	Chebu	V	Adkol	M.Bakou
4.30	Westpac	V	Halagu	E.Kalas

Gasel I Go Pas Yet

Man, Man! das i no isi long kirap taim ol Gasel sofbal pialia i go insait long bat, stat bilong fes ining yet. Gasel i bin pilai wantaim Malangan long Sande 31 Oktoba.

Dispela tim bilong Gasel i no bin lus long wanpela gem bilong ol yet. Na tu ol i no bin dro wantaim wanpela tim. Ol i wok long win tasol. Olsem na nau ol i stap long antap bilong lata bilong A gret bilong ol man long Mosbi sofbal.

Long taim pilai istat long 1.30 apinun, Gasel i no save givim

sans long Malangan long ran i kam long hom bes. Nogat tru. Na long pinis bilong pilai Gasel i rapim ol gut tru 11-0.

Long fes ining Gasel i gat wanpela poin. Namba tu ining i gutpela moa long fes ining. Gasel i skoim tripela poin moa. Long namba tri ining, Gasel i go antap long 7-pela poin moa. Na taim yu putim olgeta poin wantaim, skoa i stap olsem, Gasel 11 na Malangan nogat poin stret.

Smatpela pilaia bilong Malangan em John, "Stail manki."

Dispela notis i go long olgeta meri husat i save pilai insait long A risev tim. Garove tim i aut pinis long A risev tim, bikos ol i no bin baim registresen fi long taim mipela i bin makim, long 16 Oktoba. Long dispela na wanem, tim mipela bin makim long pilai wantaim Garove bai sambai tasol na wet.

John i save pilai strong tru long bringim nem bilong tim bilong Malangan i go antap. Tasol long dispela de, em wanpela i no inap long mekim dispela wok. Dispela kain wok em wok bilong olgeta pialia. Olgeta yet i mas pilai olsem wanpela taim.

Long Gasel yu ken painim 4-pela intensenel pilaia i stap. Mathew Nialir (ketsa) bilong Gasel, Paul Timbe sotstap, George Madao namba tri bes. George i bin go pilai long Australia long las yia, (1981). Kosa bilong Gasel Jack Pidik i bin go pilai long planti ol intensenel gem. Em i stat long 1975. Em i bin go long Guam, Australia Amerika na nau long 1983 Januari 28, em bai go long Nu Silan na pilai sofbal long tim bilong PNG.

Kepten bilong Gasel, Marika Tako i tok, "Mipela i stap long antap bilong lata

na mi no ting bai narapela tim i ken daunim mipela. Em i tok, olsem ol i bin pret long Malangan tasol nau ol i winim ol pinis. Strongpela tim ol i bin pilai wantaim em Braun Igels. Em i tok, Braun Igels i gat ol gutpela pilaia tu.

Long lata bilong A gret, Malangan i stap namba tu long Gasel. Tasol Malangan i no slek tumas. Ol i promis pinis long pilai strong moa long neks taim ol i

pilai wantaim Gasel. Na ol i ting bai ol i winim Gasel long dispela gem.

Pilai bilong Gasel na Malangan i pinis long namba 5 ining. Na long namba 4 na 5 ining tupela tim wantaim i no bin gat wanpela poin. Olsem na skoa long fultaim em 11-0.

TOK SAVE: I nogat sofbal gem bilong ol man long Sande 7 Novemba.

SOFTBAL SKOA Man

A gret - Graun 1

N.G.I 5 - Sankaro 10
Fuji 8 - Yomba 9

Kabiu 3 - Matangan 3
YMCA 5 - Agogol 6
Demons 5 - M.Karps 2
Malangan 0 - Gasel 11
B.Igels 7 - Chebu 8
Elcom 18 - Kabiu 4

B gret - Graun 2
Karanas 1 - Dela 16
M.Karps 10 - Karanas 16
Yokomo 6 - Chebu 15
Agogol 11 - Demons 6
Gasel 14 - Sankaro 3

A risev - Graun 3

Kerevat 7 - Yomba 0
Elcom 10 - Gasel 7
Hansa Be 8 - B. Igels 0

C gret - Graun 4

NAES 16 - Togelu 9
Adcol 10 - YMCA 24
Kerevat 13 - Fuji 10
Chebu 10 - Kapentas 15



Going Places

High School at home - COES helps
you with your studies.



COLLEGE OF EXTERNAL STUDIES

No. 21

COLLEGE NEWS

A letter from the Principal, Beverley Martin.

Dear Students,

There are some questions that students have asked me. I would like to answer these questions before I tell you about the Maths Subject Department at COES.

The first question is:

Why isn't COES supplying reply-paid envelopes any more?

The answer is that COES is very short of money and cannot afford to supply the envelopes and pay for the postage on this mail. These envelopes cost about 7t each and we used to supply 6 of them to students. We do not want to put our fees up again for some time. Therefore, we had to find some way to cut our expenses.

Why can't COES students have a uniform?

Some years ago COES staff were asked the same question. One of our students suggested that we print T-shirts with the College crest. We started to do this and students were able to buy them to wear. Many of our students are working in jobs that require them to wear uniforms already such as Elcom workers, policemen and women, security guards, and many others. These students would not be allowed to wear the COES T-shirt to work. However, they would wear it in their leisure hours.

Anyone can buy the COES T-shirt for K5.00 or the COES badge for K1.50. There is a form for you to fill in if you want to buy these. Remember to buy a postal order or a bank cheque.

SUBJECT DEPARTMENTS

Now we can learn about a subject department at COES. There are 5 subject departments in COES, English, Maths, Commerce, Science and Humanities. Each of these departments is responsible for the students who are enrolled in these subjects.

Let us look at the Maths Department.

What happens in this Department? Who are the people in the Maths Department?

There are both teachers and clerks in each department. At present there are 4 teachers and only 1 clerk in the Maths Department. As well there are part-time teachers who mark the lessons for the Maths students.

The head or SDH is responsible for the running of the department. He has to make sure that new courses are being written and that the old courses are being operated properly. Students should direct all enquiries about Maths to the SDH.

These teachers write the new course, help students with their study and supervise the part-time markers. Markers come into COES once a week to return the marked lessons and collect the next lot of lessons from students. The clerk in the Maths Department has an important job. He has to record all the marks for the students in Formal Maths and practical Maths Grades 9 and 10, as well as Grade 7 and 8 Mathematics. He also sends out reminders (circular EN5) to students who have taken a long time getting in their lessons. When students enrol, Registry makes a subject card.

SURNAME	Student's Subject Card	SUBJECT
GRADE	GRADE	GRADE
DATE	DATE	DATE
ADDRESS	ADDRESS	ADDRESS
LESSONS SENT	LESSONS SENT	LESSONS SENT
SPECIAL INFORMATION	SPECIAL INFORMATION	SPECIAL INFORMATION
DATE	DATE	DATE

front

Circular EN5

ASS. NO.	DATE SENT	DATE REC.	MARK	DATE REC.	COMMENTS	DATE REC.
1						
2						
3						
4						
5						
6						
7						

Back

This contains all the information about the student. It shows when lessons have been sent to the student and when he or she has returned them to COES. At the end of the subject, the marks are added up and the average taken. The student must then do a supervised exam. When this is marked the % is added to the average of the workbook's mark.

This gives the final mark.

If you want to buy a T shirt or a badge fill in the form below and send it to us with your cheque or postal orders.



T shirt



Silver and black badge

Name _____
Address _____

I want to buy a COES T-shirt size 32, 34 or 36.

Colour - blue
- yellow (Put a cross beside the colour you want).
- maroon

I want to buy a COES badge. (Put a cross if you want a badge).

Please find enclosed a postal order/bank cheque to the value of K _____

Send to COES Box 500,
Konedobu.

Maths Department Teachers



Kororo



Geoff



Ambi



Nola

Here are some questions that students have asked about their subject:

1) Why did I only get an upper pass in Maths? I got 98% for one workbook and my exam mark was 70%.

ANSWER: We take the average mark of your workbook. Your top mark may have been 87% but the bottom mark may have been 55%. This would bring down your average. The exam mark is also lower so this would also bring down your final marks.

ADVICE: Students should therefore maintain high marks in all workbooks and try to get a high mark in the exam.

2) What happens if I don't return my workbook for a long time?
Answer: COES gives you about 6 weeks to do 1 workbook. If you don't return your workbook in this time, COES will send you a reminder (Circular EN5). This circular reminds you to send your workbooks back. If you don't send it back within 3 months, you will be cancelled.

Living and Learning

MEASUREMENTS



A long time ago men used themselves to measure things. There were no metres or kilograms so they used the length of their arms or the weight of a stone.

I'd like a bit of wood as wide as open arms.



But my arms are shorter than yours!



No-one could use another person's measurements properly as people are different sizes, and the weights were not the same. So people chose standard units of length and weights. Now most countries will use the same units when they use the METRIC SYSTEM.

A GRAM is a unit used for weight
A 2t coin weighs 2 Grams



A METRE is the unit for length. How big is one metre?
(we write 1m)

Put 2 pages of Wantok like this.



Put a 10t coin at one corner

Now 1m is the distance from A to B.

Cut a piece of string 1m long.

How far is 1m on you?

Is it the length of your outstretched arm to:

your left shoulder?

your neck?

your right shoulder?

Cross out the wrong answers for you.

1 metre comes to my shoulder




That's good to know but what about very big or very small lengths or weights?

For this we add a short word before the name of the unit

KILO

Kilo means $\times 1000$

So 1 kilo gram = 1 gram $\times 1000$



1 kilometre = metre $\times 1000$

In Port Moresby this is the distance from Taurama Traffic lights to 4 mile traffic lights.


MILLI

MILLI means - 1000

So 1 MILLIMETRE = 1 metre - 1000
The thickness of a 1 toea coin

1 MILLI GRAM = gram - 1000
The weight of a grain of sugar

A MILLI PEDE is said to have 1000 legs.
Has it got 1000 legs?
No. But it has got lots of legs.



CENTI

Centi means - 100

So 1 centimetre = metre - 100




1 cm

Some countries divide their money into 100 parts called cents.

100 Australian cents = 1 dollar
100 Kenya Cents = 1 Kenya shilling

Does a centipede have 100 legs?
No. It hasn't. But some people once thought it had.



If you would like to know more about studying with COES write to:

The Principal, College of External Studies, P.O. Box 500, Konedobu.

Your name _____

Address _____

I am interested in enrolling in:

Grade 7

Grade 8

Grade 9

Grade 10

(Please tick one box only)

Age _____

What grade did you finish school? _____

Do you work? _____

If you work, what do you do? _____

Learn with us on NBC



PROGRAMME 31. RADIO ONE, THURSDAY 11TH NOVEMBER AT 6.10 P.M.

COMPARING PERCENTAGES



This is Geoff Stephenson. He is Head of the Mathematics Department at the College.

Last week we compared amounts by using EQUIVALENT FRACTIONS. This week Geoff will tell you how we do the same thing but using PERCENTAGES. You see, in Maths we can often do the same thing in different ways. Geoff takes part in our story, which gives you two problems; the first on sport, the second on school work. Geoff also explains some percentages that come into pay packets - tax and National Provident Fund (NPF). Get a pen or pencil and try to fill in the competition.

PROBLEMS 1

STEP 1: State the problem: Which is more, 15 out of 20 or 18 out of 25

STEP 2: Change to fractions: 15 out of 20 = $\frac{15}{20}$ and

$$18 \text{ out of } 25 = \frac{18}{25}$$

STEP 3 Change to Percent: $\frac{15}{20} = \left(\frac{15}{20} \times 100 \right) \%$ and

$$\frac{18}{25} = \left(\frac{18}{25} \times 100 \right) \%$$

STEP 4: Cancel:

$$\frac{15}{20} \times 100^5 = \quad , \quad \text{and} \quad \frac{18}{25} \times 100^4 =$$

STEP 5: Multiply: $(15 \times 5) \% = 75\%$ and $(18 \times 4) \% = 72\%$

STEP 6: Answer: 75% is more. The first race is better.

PROGRAMME THIRTY ONE COMPETITION

YOUR NAME: _____

ADDRESS: _____

ARE YOU A STUDENT AT COES? _____

PROBLEM 2

1. STATE THE PROBLEM:

2. CHANGE TO FRACTIONS:

3. CHANGE TO PERCENT:

4. CANCEL:

5. MULTIPLY:

6. ANSWER:

* If you only earn a low wage and have no dependents, what percentage of your pay do you give in tax?

* What percentage of your pay do you give to NPF?

* What percentage of your pay does your employer give?

SEND TO: RADIO CLUB, COES, BOX 500, KONE DOBU.

TOK PISIN


Maski raitim nabaut. Baim tupela buk ya na yu ken save gut long we long raitim Tok Pisin.

Liklik dikseneri long Tok Pisin

F. Mihalic i raitim K2.00

Stail Buk -

F. Mihalic i raitim K1.00



Lainim Gut

Stail Buk bilong Wantok Niuspepa

Frank Mihalic

K1.00

Nem _____

P.O. Box _____

Taun _____

Mani _____

Salim i kam long:
Word Pablising,
Box 1982,
BOROKO.

EVERYDAY LIFE IN OTHER PLACES

Julio Baroja of Spain

This week's story comes from Spain.

JULIO is a Spanish boy who lives in the Pyrenees these are the mountains between the two countries of France and Spain. Julio's family are farmers and live off the food they grow as well as selling their vegetables and animals in the local markets.

Julio lives in a small house. It is made of stone blocks and whitewashed (painted white) on the roof there are tiles. Inside there is a large living room with a huge fire in it. It is here that Julio's mother cooks for the family. Usually she cooks hot soups and stews and serves them with vegetables and bread, the adults drink wine that they make from their grapes.

Up in the Pyrenees life is simple but hard and although Julio goes to school everyday he is expected to help around the farm. On Saturdays he goes to the market of Ezcuma and drives the sheep and pigs along the mountain tracks to the market place where his father sells their produce and livestock to the men who come from the city of San Sebastian. On other days, Carlo - Julio's friend will ask him if he wants to help look after the flocks of sheep that graze on the mountains or they will go off together to catch pigeons.

On days when he visits the town Julio will try to go and watch a game of *Pilotari*. *Pilotari* is a very fast game of handball played in a walled courtyard. There are two players. Each player wears a long scoop made of basket, strapped to the right arm. The player uses the basket to catch and return a hard round ball. A winning shot is one that cannot be returned by the other player. Julio hopes that when he grows up he will become a good player of this very Spanish sport.

The people of these remote Spanish villages all enjoy the entertainment of the *Bertsolari*. These are *wandering singers*, who go from place to place playing music on their guitars and singing songs which are both funny and sad.

Julio hopes to go to the capital city of Madrid when he grows up and study Agriculture but he always intends to return to his family farm, high in the Pyrenees, for only there does he feel - "at home."

Yet Spain is changing quickly and Julio realises that he must change too - some of the old ways must go or the country will not make progress.

PYRENEES
SPAIN




However, many of the customs and traditions will never die out, for they are a very important part of the Spanish way of life.

On Corpus Christi Day, there are religious marches through the streets of many Spanish towns as the shrines of local saints and the Madonna are carried to the churches to be blessed. One day perhaps, Julio will be asked to join the young men who carry the town shrine - on that day Julio will have become a young man.



DOUGLAS
AIRWAYS PTY LTD



Long olgeta raun bilong balus long
SENTRAL, NOTEN, WESTEN, GALP
na SEPIK Provins. Long olgeta pipel
bilong PNG.

Long olgeta tok save long ran bilong
balus na long bukim balus, ring long

25 3499



More and more Papua New Guineans are making music their life.

But its not an easy life!

Find out why in November's

NEW NATION
PNG'S COLOURFUL
MAGAZINE

On sale now - only 60t

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.